

兩浙輶軒續錄

兩浙輜軒續錄卷二十四目

周向青 鄒淦 高鳳臺 葉樹東 宋咸熙

孫旋元 孔廣覃 董襄 錢廷玉 臧壽恭

杜煦 杜春生 馮春潮 胡思聰 呂承恩

梁苑 章太和 陳詩 陸寅初 韓慕爍

吳載和 高塏 葛馨 張葵 陳燦

金棻 何元錫 黃鍾秀 袁通 余鏐

高鳳墀 俞恭仁 余新傳 黃璋 徐煌

勞經源 王丹墀 查奕慶 許堯咨 王榕端

陳球 姚循咳 馬應潮 祝萬壽 朱仁榮

錢濤 王用誠 高廷璨 張文鼇 溫葵卿

溫蓉卿 蔡廷弼 施全心 王浩 李忠鯁

陳一章 馮增 葉世雄 杜丙杰 吳榮

平疇 蔡名衡 任國任 沈豫 沈東周

呂鏞 金鷹揚 應崑 金萼梅 方炎

金璋 項維仁 朱鋒 柳翔鳳

兩浙輶軒續錄卷二十四

督學使者潘衍桐訂

周向青

字蘇門錢塘人嘉慶丁卯舉人官湖北廣濟知縣著句錄山房詩草

李宗傳

序略蘇門詩性情流露多藹然

仁者之言

其詠史諸章尤善于持論

陳文述

序略周君蘇門六齡觀雜劇演明楊忠愍事卽

設其位

于書塾辦香奉之讀史遇忠孝節烈事輒慷慨

激昂不已

嘗答盧厚山宮保林少穆中

丞栗棧

圍河帥問政十五條詳審可法

杭郡詩

三輯蘇門出宰廣濟力鋤豪猾幾爲中傷事白

上官始知

緣爲良吏量移漢陽未及中壽卒于官詩多眞

摯語不關

緣飾斷句如午後百花靜春深羣木高

柴門日仄

移帆影桑徑風高落翦聲皆渾樸可味

感事

五載勞心作長吏浮澆思以循良治移風易俗在人爲不在
語言與文字扶良鋤暴非好名此亦爲民司牧事豪富居然
有戒心閭閻漸覺多生意豈知腐鼠嚇哀鷺蒼鷹轉爲狐狸
媚拋得黃金北斗高動搖鐵案南山易其惜奇冤孰叩天爲

歎斯文真掃地民命相看作等閒悠悠滿眼如狂醉荆棘非
從要路栽芳蘭竟爲當門忌忠孝平生一片心法曹不許書
生避

九重軒鏡鑒微忱姓氏重邀

御屏記

聖主如天萬物春蘇公詩案應無二祇存涵養戒粗心敢將
患難移初志太息臨危憶古人報

國胸懷還自勵

過烏戍喜晴

朔風獵獵喜初晴客裏驚心節序更終歲悲歡成白首幾人
出處爲蒼生微茫樹色如行稿嘔啞田歌此正聲從古能詩
多物感叩舷不覺壯懷傾

晉兒讀書苦無頭緒爲畧述十三經學之源流歷代書籍之聚散作爲長言以曉之

古書傳今者墳典并索邱僞疑商隱作不自宣尼脩四術本樂正刪定成春秋漢武表六經書自河間求廢樂取公羊私意由班劉明宗校九經趙宋勤雕鏤益以爾雅孟十三經之由傳易推費氏康成能闡幽經世法太元潛虛意未道程子作易傳源本通書周紫陽啟蒙出王弼猶虛浮伏生授尙書歐陽兩夏侯益以五十八壞宅猶羅菟遂訓馬鄭解聚訟徒紛揉惟有王肅注義與孔傳投二劉尙穿鑿四家徒競俛仲默定書傳視漢唐較優吳黃陳許後薛蔡爲其尤詩敎三百篇敦厚何溫柔後分齊魯韓毛鄭新意抽指說與斷章與經無補謀歐公作本義于箋能校讎夾際削小序意見同刻舟

朱子作集傳詁箋難與侔春秋魯史記筆削嚴王侯公穀左
邱明異代相傳流膏肯及墨守勑自公儀休服虔賈逵徒發
明無咿囁左癖推武庫安國較隘湫摘微及指掌下里矜歌
謳周禮缺冬官攷工書補留歆雖任校理王乃貽國憂楊氏
有辨疑能與王氏仇井田本政書後世蒙其麻古文十七篇
義與高唐咻后蒼傳二戴康成爲劔剛崇義三禮圖巧鑿徒
雕髹黃幹續喪祭義與通解傳鄭學自小戴箋詩悟盾矛太
宗贊類禮遺佚同決孳熊皇各有弊張李何噍啁記解推大
臨陸夏如培塿大學孔氏書百王之冕旒論語合齊魯中庸
述祖猷孟子生戰國著書當倦遊後來纂述者濂洛開驂駟
文公集厥成羽翼功應衰歷代多傳人不僅韓與歐孝經出
曾子始向顏芝收其文有今古翁禹互格駟釋詁自周公聖

賢爲補甌今學傳郭氏諸家皆散颺
猶秦火拾餘燼冤魄嗚鶴鵲漢除挾禁例遺書搜琳球魏人
建甲子鄭默爲掌籌二萬九千卷探索遍遐陬東晉有三千
殘星耿奎婁宋惟文帝朝鴻文誇蟠繆九條與七錄術藝陰
陽稠隋書三十萬包括從皇繇唐分經史子時與儒林詆文
宗十二庫籤軸燦霞紬崇文立總目寶重同岫巖何如作人
世

雅化延九州

鴻謨法堯舜虎觀咨枚鄒幸際此明備寄語窮經叟眞味本
菽粟大義原炳彪舍本以務華去芝而聚溲斯文自在茲鐘
鼓鼙蕢桴當作大道衛勿爲曲學羞辭句尙雕琢兀兀空白
頭僕猶籛條者相與笑僂僂窺豹未一斑小言同蚍蜉何時

著芒屨行廚游十洲

題金大夫興安守城事

諱之純廣濟人

塵生關外陣雲高，菟爾孤城賴補牢。喋血脩書磨盾墨，

公有與唐

遊擊書

裹瘡督陣佩鞞刀。

公守城日與妻子別日夜守陴誓以必死

蓋棺後死由天

幸賊退後公旋

以勞瘁卒。負擔前驅亦女豪。

公夫人日夜坐井上誓必死督匠人多作陴帳禦守

令侍女炒豆以餉士

公歿賊來猶殺我。

公歿後興安人號哭相送曰公在猶可賊來殺我

香盆

十里其呼號

題李杲堂先生集後

初名易後鬱無聊高臥名山雨鬢凋。鼓角衰年悲北府，鶯花

舊事憶南朝。冬青已死魂猶戀，太白重生意未消散。髮磯頭

訪羅刹雁聲叫，斷晚秋潮。

鞫囚

手持三尺法凝霜頭上惟知有昊蒼民果能愚風亦古吏如
無欲項眞強苦心每爲開生路曲意偏教鬥死方楚俗詭詐
名爲鬥方
一寸爰書百口哭好將赤子視如傷

咏鐵權

巴東邑堂下鐵錘傳自南宋始遷邑治時所成高尺
有二寸闊倍之重八鈞體圓紐方狀若覆鐘或云縣
濱江以鎮陽侯或云有衡在江中此其權也

持衡宜得正主宰在能平自具堅剛性能消詐僞情鑄成甯
有錯鎮定自無爭莫笑錚錚者還同金玉貞

鄒

淦

原名志春字與曾錢塘人嘉慶丁卯舉
人官山東莘縣知縣著青珊瑚館詩稿

杭郡詩三輯與曾一字鐵樵以大挑官山左除姦剔弊
解組後與仲虎栗園兩弟詩酒聯歡勘經證史極暮年
手足之樂所著尚有鐵樵文稿槐陰
雜著掌故古學考訂辨證經史等集

續廬陵王氏三瑞堂詩

洪公簿甯海建堂爲三瑞粲粲連理枝是乃啟文惠

方輿勝覽洪忠

宣爲甯海縣主簿時以荷花桃實竹幹有連理之瑞建三瑞堂已而生迺適遵果爲三瑞至今鄱湖人豔

說南宋事廬陵有望族純孝閱三世枯竹旣成林病橘亦垂

蒂巍然旌孝坊金芝秀如綴非若宦蹟羈郵傳類萍寄更非

荷與桃風雨一夕墜我公解朝衣

謂霞九廉訪

懸車遵古制堂構

緬先型循名勛後嗣前後七百年忠孝兩甲第

高鳳臺

字月培崇文子山陰籍仁和人嘉慶丁卯舉人官內閣中書著書畫舫集

府志鳳臺好學博覽著作爲時流傾倒稟德修行喜提

倡後學下仁和倉橋後營家祠內仿試棚成規月課下

弟及鄉黨自進造就甚眾又嘗輯二十四孝別錄以翼

風教與弟鳳墀高舉期粟掩齒諸善舉無吝色亦無德

姚椿撰墓誌君於學無所不窺鄉舉後官內閣中書協

辦漢本堂事務充

丙廷方畧館分校奏

派軍機處漢稿房又

派本衙門撰文

制誥多出其手在闕期滿將詮注會長兄卒乞假養親時太

傅歛縣曹公領閣務頗慰留之君不應自是家居養母

不復有仕宦意居恆好賓客嗜吟詠主講於潛海昌書

院諸生皆感其善教君所交士友多予舊識

君家行誼又屢爲人稱述子因得稔聞焉

緝雅堂詩話月垞先生學深品潔在中書以兄喪去官

有韋義楊仁之風既歸奉母讀書不及世事稽其素履

非沒而可祀者與孫保康余乙酉使浙取中副榜貢生

溫文敦篤采詩之役編訂警校其力甚勞守此清芬自

成佳士也

題篝燈教讀圖爲蔣生沐作

在昔聞柳母丸熊課經史又聞歐陽母晝荻傳書體遂成厥
子名千古獨專美今聞蔣氏母徽音繼前軌有兒幼孤露傍
生賴所恃覆翼若己出珍愛洵莫比珍愛不足多賢在洪三
徙讀書種子留庶可慰先死慈母作嚴師肅然絳帳啟垂髫

鏡影前口授兼手指心偶鴻鵠馳夏楚收卽止積漸富五車
才譽播閭里母年至周甲勵學尙靡已橐筆教赴試問名自
茲始采得泮芹歸母也顏色喜謂當大吾門博取科第矣何
圖望方奢病疾逼衰齒靈萱一夕萎遠近齊掩涕孝子擗踊
餘麻衣營葬祀不忍死其親思作生存視乃尙老畫家寫狀
丹青裏彷彿橫經時蒼蒼白髮侍朝焚金鑪香暮供玉甌水
難報劬勞恩聊以示孫子

何尊師雙螻戲貓圖

仙師畫貓筆最奇或醉或醒無不宜醉飲薄荷眠悄悄醒窺
胡蝶起遲遲玉奴似識狸奴意故逐風花飛墮地清臚宛轉
久凝神纖爪鉤連欲攫翅一螻纔低一螻高狸奴回顧勢兼
勞伏茵暫且拋青鳳拍板偏教擾雪毛斯時怒螻如怒鼠跳

躑騰空在必取幾度闢前撲不成一雙樹底看猶舞寫生至此迴絕倫葵花山石認皆真尊師別有葵花戲貓山石戲貓等圖專門一幀超徐郭不數宣和以後人

重修江干六和塔告竣登眺得五古一首戲用九泰全

韻

浮圖臨江濱直上破青藹劫自開寶初禪師願力大地界越與吳驚濤鼓砲礮晝夜兩隄掠民廬被擊汰保障推錢王鐵券勝精棧强弩射復還終莫救顛沛惟彼智覺師爲民除水害九級闢園基臨安志智覺禪師始於錢氏南果園建塔高出飛鳥外從此江潮平鎮壓實所賴迨乎宣和閒寇盜脫鉗鈇斯塔并寺焚潮勢復吞瀨智曇自天來月輪山塔記紹興壬申命僧智曇重建江干塔廢地肇法會重建塔七層方位按離兌舍利雖已無然燈燭幽昧舟行仗指

南揚帆利商僧非徒聳大觀洵爲功德最明季復燬之祿宏

又重蓋西湖志塔燬於嘉靖三迄今四百年人情息愴愴憶

昔庚午秋吾師駐征旆是年吳荷屋座主訪勝入招提花木

散芳靄少焉上塔游長江襟而帶初梳一以登黑不辨衣衿

盤回訝螺旋諸天颺旌槍旋放大光明遙望絕浮蓋雷聲忽

殷其俯視滂沱霈恍疑塔動搖洵洵響羣籟回首認天龍有塔

舊裝天龍八部諸相神鬼何狡獪四十二章經第三層壁上石刻南宋

嵌壁非疥癩危坐縱雄談相依若蛩須臾斜照紅塔下走

車馱涼颺拂我衣頗愛薄裝媿老僧勒加餐脫粟進粗糲茶

香酒馥餘猶以詩字句勒石塔之巔荷屋師書同遊筆擬中

郎蔡干支條一周用歎歲月愒椽瓦墜紛紛小徑迷萍蘊大

吏察輿情修葺出儲廡鳩工使飭材司空列六大謂可固堤

塘無殊荷戈被半載復舊規
蔀屋藉保艾斯舉關蒼生萬口
皆炙膾能弭魚龍驕湛恩布汪濊
仁政審所宜豈惜擲泉貝
落成約往游堅完鮮侈汰
巍峩柱插霄環以樹翳蒼開化啟
山門塔在開化寺中鐘魚聚祝禱
座垂蔭荀花窗搖瓔珞檜丹梯拾
級升朱闌新粉繪面對月輪峯
峯形何嶮峩身作絕頂人繞
袖拂香鬪怖鴿觸風鈴翩然聽
羽翾松鼠不畏高飛簷爭雀
噉遙望蒼海東細束等溝澮
沙邊吉貝開皎若放白柰巖壑
遠益清隔岸指山會嘗踏金山
尖凡塔譏自鄙豈意登六和
亦比金仙蛻罡風遍九閭
吹下殊無奈擊鉢險韻全聊以
一杯酌

葛嶺懷古四首

八萬四千塔矗空金塗光采尤
熊熊婆留英武肯佞佛聊示

富貴浮雲同葛嶺麓下建寺七錢氏居二

一爲招賢寺

寶雲一乾

德閒名千光王雍熙之額乃改筆澄心閣映妙思堂暮鼓晨

鐘禮梵王上祝聖朝無量壽下祈大有屢豐穰五言詩答高

僧惠

武肅有回高僧惠詩

散暑安禪攄妙諦偶由羅漢寺中過

又有羅漢寺偶

律題五

得句閒題寄深契渾忘二百餘戰身石鏡山前號異人

纔躍飛龍妖鳥死錦衣歸國太平春不願閉門作天子快樂

無如節度使吳儂踴躍輸魚租金錢買鐙韻事起息形蘭若

學逃禪保護生靈億萬千頒牒有時從舉院

武肅牒舉院崇吳僧嗣正畧云

某戒珠明

戒珠法性悟真詮祇今寺境作庵境

臨安志作寶雲庵今

呼葛

非復層層樓閣影

蘇詩寶雲樓閣闢千門

千年猶響子瞻詩半壁

江山竟可永吁嗟乎檀來唱罷獻版圖鐵券銘勳自古無他

日試游表忠觀遺蹤應不羨浮屠

錢武肅寶雲寺

我聞葛嶺有二葛一號天民性曠達和靖非翁不卜鄰癸辛
雜志詳始末鴻名遠播惟稚川家風世世爲神仙乃祖幻蜂
每歎飯厥孫又結丹爐緣治平寺西穿一井鼎鑪時汲清泉
冷丹成九轉氣上升金丸欲混初陽影通侯笑謝薄功名願
得身如黃鶴輕句漏采來能幾粒驪龍勤護走山精仙翁壽
高八十一凌霄已得飛昇術五銖初曳朝太清棄卻井西鍊
丹室井中舊有石函存函在水清函去渾一勺尙堪醫目疾
鉛田汞海注靈源吁嗟乎句容仙人不知處滿山涼蛤煙中
語欲訪將軍昔日蹤

葛稚川初以功
封伏波將軍

擎舟更向羅浮去

葛稚
川鍊

井丹

孤山移來上智果年深梵宇荒煙鎖寺前閒泊總宜船參寥
法堂風景可憶昔上人初得泉煮茗評詩聚眾賢一十六人

同會集韻拈心字記坡仙上梁日月書元祐改刻石上石並
壽誰從堂後留遺容子瞻道潛分左右我嘗細讀髯翁詩兩
人交誼若見之有時寄和黃耳輩有時句謝楊梅遺其閒少
游亦來往禪味詩情俱豪爽石泉槐火逢清明爲品頭綱叩
方丈長公葛嶺本有緣壽星院恍遇生前拾級階宜九十二
重來境界宛當年吁嗟乎悠悠歲月去如箭泉水不殊人物
變作詩焉敢附清名留連勝迹心常戀

蘇子瞻
參寥泉

後天下樂豈易易小范老子一生志咄哉賈相彼何人園名
大書此二字我聞閣可名格天顏以後樂猶謙焉未必賢者
後樂此

雲煙過眼綠賈氏悅生堂一印
鑄賢者而後樂此六字

正陷有此未必賢起家

初自藉田令燈火湖山見豪性大用誤於巖之言得志竟奪
理宗柄援鄂襄爲再造功稱臣納幣忽相攻福華編與奇奇

集

志雅堂雜鈔賈師憲嘗刊奇奇集自誇按鄂功

從此襄樊頓召戎朝恩賜第葛嶺

側勝兼六事奢侈極

賈氏悅生堂日鈔云務寬大者少幽曲人力勝者乏間古水泉多者無眺望兼

此六者惟

朱輪初赴尙宮城

三朝政要賈相出乘繼以家園朱輪自葛嶺至宮城繼以家園

作寓直中書吏抱文書來堂印相隨

兩浙名賢錄陳均以賈相堂印相隨力爭罷官

門不開告訐教投綠櫃牒

亦見三朝政要

偶談兵警怒如雷燈色秋

聲朝復夕

燈色難禁雨秋聲不離山秋壑句也

京師欲救無長策丞相出師次

蕪湖手拊瞎賊問謀畫黃柑荔子再議和伯顏直下江淮河

中流簸蕩幸逃命揚州夜奔存單舸吁嗟乎緯武經文俱無

用湖山旋共江山送縱然磨折付押司奚補南朝黍離痛山

上樓臺湖上人徘徊金粉已成塵荒園蟋蟀真無賴故作秋

聲滿耳新

賈秋壑後樂園

銅鼓亭歌爲梁接山太守賦

君不見龔州刺史蕭直方攜歸銅鼓舍佛堂又不見廣州太守歐陽頎偶得銅鼓獻廟廊未聞竟入宦囊貯萬里舁行忘險阻一之已甚識者希何況雌雄列八鼓接山先生嗜古深四壁盤鼎兼球琳鼓制必考漢以上詩詠其鏗疑至今前有伏波後諸葛紛紛流聞耳徒聒豈知駱越早著名南史蜀書都欠括五溪狃狃情頗豪易鼓不惜千肥牢蘆笙合奏鈔鑼沸伐之匊匊鳴如礮當其紅爐出新鑄蠟幔爭摹酒齊注獠女叩以金銀釵須臾俱擲鼓前去邇來蠻性最調馴未敢私敲鼓召人寨主絕呼都老少扁舟載出粵江濱閒亭位置成清玩花草蟲魚斑厯亂就中兩鼓製更精山宇巖形迴然判先生官聲等鼓聲政化遠被邊疆氓爲爾獐豸震聵瘴雲蚤雨開晶瑩一朝息響湖山畔雄談人作春雷看危亭八角

日夕臨摩挲不覺名心淡往歲傾樽示座賓亭名入眼一番
新徵歌半是漁陽調要聽鬣逢動鬼神

桓宣武挂袍石歌

白紵歌聲一朝歇山前山後野花發野花慘淡似袍紅繡遍
桓公挂袍石桓公開第南豫州貴爲駙馬兼公侯戈矛叱咤
風雲變笳鼓喧逐草木愁憶當典午政失要天遣一星光照
曜嘯出英聲溫嶠知育成怪狀劉惔笑眼起觚棱鬚蝟毛壯
年便是世間豪征平蜀口勦非小戰敗枋頭策不高使其志
欲安天下奚若功成斂兵馬天子頒貂出殿廷將軍卸甲從
郊野而乃廢立聽郗超黃袍幾換同陳橋詭請布衣視朽邁
溫疏云如陛下垂布衣之
願朽邁疾病無復堪託 豈真葛帶求逍遙
又疏云若得葛
帶逍遙鳴玉關
廷豈不 初遇劉琨妓衣冠不整遭輕鄙既過王敦墓連聲可
甚願

人呼不已十圍柳大輒泫然九錫加矣倏暮年麒麟何必圖
廿八歌舞且自陳三千朝復朝兮夕復夕桓公井對桓公宅
遺址荒涼不可尋一石依稀留古蹟苔花色斑爛絳歟緋歟
隱約閒山高挂臨江之上江低挂認山之彎松風颯颯欲吹
汝聽歌定有桓伊侶著袍或坐采石船捲袍或避天門雨此
袍旣異狄梁公紫繩敕賜唐王宮又非出自強藩送苻堅只
畏慕容冲苻堅送袍事見晉書宮袍戰袍已難考迄今石更千年老壞
衣久作劫灰飛奇礪猶賴山僧保吁嗟乎解帶思項王繫纜
追秦皇各有一石峙一方流芳遺臭豈不計決然難舍者權
勢何如衣錦夜乘舟姑孰孰流傳名勿替

題宏治十一年應天登科錄

省元望重濬與遷邱濬謝遷宏治時青雲騰達繼眾賢正統

相初舉鄉試第一

夔商輅成化間王鑿有明科目稱最盛其盛尤在宏治前孝

宗戊午詔大比梁劄洗馬梁儲實主應天試專經既取詩易

多錄中習詩者中式五十八名習易者中式三十八名擬策還須表判備金陵香到桂

干枝子畏才名獨冠時一夕能成嬌女賦卅篇竟和落花詩

少年怕被青衫誤英鋒犀利希奇遇詞藻初邀郡伯知太守文林

疎狂旋惹宗師怒督學方誌一朝領袖大江南識者歡欣忌者慙

爭願同舟聯郭李未能酌水辨廉貪翩翩裘馬徐家子託迹

公車謀甚詭關防猶未過三場消息俄驚漏一紙是時秉鑑

程京堂程敏政平素原曾通篋篋月旦南宮如止水風聞北闕

竟彈章彈章夕上天威震考官並逮錦衣訊孟德牀頭果捉

刀包拯堂上奚倫印刑官定議籍都除濁水難分水底魚大

事歎由奴輩去儒躬恥與掾曹居放懷從此姑蘇老年年鳴

上桃花好字畫常踰希哲工箴規不怪衡山惱宸濠遣使召

文豪箕踞譏訶頗自高一飲直堪呼酩酊千金豈屑納絲豪

狂生醉矣誠無用才子空教天下重何妨妓院唱蓮花肯附

雄藩擁騶從泊乎一旅振平西坦白無須慮噬臍攜簿道裝

修道觀築廬山徑傍山溪敬皇千古推神聖異等宏治元年詔舉異才

直言二年詔求直言無不聘諡典新崇少保封贈于謙太傅諡肅愍講帷恭聽

先生命呼先生不名倘容汲引近楓宸學士風流定得真敢

詡國華彰白鹿要端政本頌睢麟何圖一世舒眉少降材復

棄天殊巧進士希周得第新朱希周宏治九年賜及第狀元文敘遺徽渺

狀宏治十二年元倫文敘至今展玩舊題名郡邑分明鄉貫清十一龍飛

秋榜發百三雁序報船橫周鷓錄中六名孫鶴錄中十名歸鳥有

只讓唐寅名不朽縱誇鵬徙到王前未聞鵲起喧盧後男兒

自立依傍無筆花成采唾成珠善諧未免傷佳品拒逆終推
是丈夫莫笑當時勤物色賸絹零箋那可得驟乘月下藝苑
談蟻寫卷中瑣言述吁嗟乎錄傳寶祐因廬陵徽國登科記
紹興一樣珍藏同拱壁古來聲價不虛增

擬杜四律

荒涼池館在舊住考功郎古徑半衰草遠山多夕陽風流話
耆老氣度想衣裳接踵游人至吟詩鎮日忙

過宋員外
之間舊莊

一路看花去相從勝地游繡茵鋪曲徑飛絮上高樓景快徐

行得杯忘起坐酬醉歸無夜禁樹外指鳴騶

陪李金吾
花下飲

相國摛文健詞臣奉使遙花濃開野館帆急趁春潮鳳詔從

空下蠻煙入望消穹碑高十丈海上峙岩巖

送翰林張司
馬南海勒碑

不忍別湘水瀕行憶舊知帆衡新雨後衣怯早涼時念我應

增夢勞君更寄詩分符抵炎海雙鯉莫遲遲

酬韋韶
州見寄

煮蓴

如水名心淡春風便憶鄉采蓴眞入畫下豉更添香菜味調
脂滑羹材截縷長湖澹多土坳不共四顧嘗

社課分詠竹林七賢

身隱山陽二十年山巔采藥事空傳升天未有神仙命入世
徒牽仕宦緣高士行藏編小傳絕交書牘寫長編臥龍兩字
能招禍日暮彈琴聽慘然

嵇中散
康

身兼吏隱似公難屢退林泉屢赴官清節半斤絲莫奪壯懷
八斗酒能乾六師西蜀猶平亂一語東宮已得安啟事胡爲

挂人齒祇緣甄拔到單寒

山選
曹濤

諸君如蝨處禪襠賸有窮愁客號狂此日不嫌疏禮法平生

爲累是文章求仙漫結孫登侶弔古曾登廣武場青白眼

觀世事一官無過步兵強

阮核尉藉

烏衣門第半三公弱冠平吳氣概雄獨怪嗣宗交誼厚已過

和嶠孝名隆心存與世浮沈見力卻登朝襄贊功不受涼州

金百萬持籌似故學村翁

王司徒戎

一聲鄰笛黯然愁思舊全憑短賦留東市風波訝鍾會南華

旨趣悟莊周灌園非計蔬堪飽鍛竈空存柳又稠箕穎情懷

城巷迹隱淪何必入山求

向散騎秀

北阮豪華南阮貧竿懸犢鼻迴殊人才高不受山濤薦音妙

能教荀勗喚倉卒一鞭追婢客威嚴五馬赴官身羨他有子

同疏放蠟屐遨遊步後塵

阮始平咸

自信糟邱了此生兀然一吸類長鯨鹿車適興渾忘倦雞肋

如拳太寡情，誑語欺人妻。子笑奇詞頌德友，朋驚酒星尙向
天邊摘。我已安排荷，錨行

劉參軍伶

西施菊

吳宮一顧已傾城，何意東籬尙擅名。媚骨無端成傲骨，逸情
不礙雜芳情。五湖泛後人應淡，三徑歸來夢亦清。同譜有誰
嚮，可效楊家妃子笑相迎。

青山館

昔年詩酒登臨地，風景依然是謝家。一足挂藤猿竊果，雙翎
出樹鶴銜花。空留供客名泉在，絕少驚人好句誇。底事青山
遍天下，獨容此館占煙霞。

金魚五首

參得文魚入小池，猩紅點破綠漣漪。揚鬚縱乏江湖樂，絕少

無端觸網時

金色休將頰尾猜，泳游常傍好亭臺。
祇緣錦樣文章似，邀得詞人賞鑒來。

唼花水面得天眞，瞥地沈來爲避人。
都道赤龍遺種在禹門，怕爾欲飛鱗。

便置書窗也絕幽，水晶缸底作星流。
瞿祐句水晶缸底流星迸滄洲畫法應能占，不讓長康號虎頭。

昔年金鯽詠髯蘇，策策跳波聽雨餘。
到底不離矜貴氣，入朝客尙重懸魚。

葉樹東

字雲，膠號芸城，仁和人。嘉慶丁卯舉人官四川越巂同知，祝名宦。著松雨山房詩集。

府志：樹東，筮仕蜀中，歷權劇邑，多惠政。補蒼溪大治河渠，民咸稱便。擢會理知州，協修書院，所識拔多名士。越巂猺夷，張號難治，舊設通判，駐焉。時總督鄂以地屬邊要，奏改同知，並疏薦樹東才，遂補是職。抵任後，察

夷情設偵探，薄征徭，界土司以控制之。權而汰武弁之
虛糜者，復捐俸倡建城池，野夷束身自歸，終三年無邊
患。既還，復權守成都甯遠等七郡，益以清勤自勵，歿之日，家無餘財。

楊花

看山何日拂衣行，撲面簾旌趁晚晴。芳草西泠蘇小宅，蠻花
南國武侯營。金江倚櫂迷濛過，犴鳥衝寒鬢鬢生。一樣孤情
似蘆荻，棟花風不是秋聲。

底須開落怨芳辰，位置天高得性真。野圃且譚挑菜客，山橋
不避賣花人。肯隨懶惱留前劫，那使虛無誤後身。十萬平蠻
兵可練，玉階金井隔年春。

題江油尉孫右泉漁家樂圖

天賦清才三萬斛，可憐屈宋作衙官。思歸莫唱漁家樂，風雪
船頭忍暮寒。

四十年前鶯脰湖斫鱗沽酒賦鳧蘆

吳穀人祭酒湖山春社之集余爾時曾有鶯脰

湖賦爲先生所賞

團團骨肉凋零盡珍重人閒家慶圖

山花

太息年華逐逝波千巖萬壑少人過
偶逢樵子開青眼那有神仙住
大羅金谷芳園春富貴玉樓明月夜
笙歌榮枯一霎尋常事不比空花
歲月多

冰霜歷久不爭先一笑嫣然四月天
陌上冶遊何足羨山中春色自無邊
好尋物外烟霞賞不受人閒兒女
憐萬朵青紅開湖底聽他流水自涓涓

宋咸熙

字德恢號小茗大樽子仁和人嘉慶丁卯舉人官桐鄉教諭著思茗齋集

楊振鐸曰小茗先生家學淵源藏書甚富嘗輯注夏小正劇精核耐冷譚詩話亦傳布藝林秉鐸桐鄉時輯有

桐溪詩述搜採極博

爲陳恭甫編修

壽祺

題西湖精舍校經圖卽送之京

以經節治治具舉西湖更闢談經墅一龕中奉兩先師

許鄭祀

典特請隸祠部祠堂講堂其一櫺要使經生識初祖攻經敢

說無違詒仁從人而義從我

叶

孔書旣明吾道昌識字豈徒

爭進取王

蘭泉少司寇

孫

淵如

與段

茂堂大令

講德勤後來化雨君更

溥學該汎說經爲郭

時爲芸臺師著經郭一書聚諸生分軼

聚斂羣言俾藻斧

我爲都養不稱職相依獨被春風煦異籍應慚宋綬藏借讎

不讓顏師古吁嗟乎仙才合向玉堂儲思親暫爾解華組留

滯湖濱已一年忍飢著書亦良苦清風兩袖送朝

天好將鴻筆作霖雨惟有諸生不忍別送者留者滿江滄更

有勤之早歸來湖山佳處搖柔櫓先生曠然一笑許

紀華亭周鐵巖

芳谷

負骨歸葬事

兒生爲母存兒身由父有父骨淪天涯辭母出門走

一解父死

歸州已歷二十秋況經兵燹後渴葬亂冢焉能求

二解傭書都

中擬隨宦者往遲遲半年心惘惘便思行乞訪

三解幸遇父友

戴得以薄少助札致州倅鍾徒步齋書去

四解途中疫流行一

病幾不起治以壽州醫得達教諭史

五解教諭勸之歸志決不

能阻舟漏觸險灘夜行逢蛇虎

六解九秋朔抵歸州鍾倅閱書

駭且愁謂邑經兵燹後渴葬亂冢焉能求君既至招魂歸葬

亦可休

七解

天使州役徐適自巴巫至曾視殮瘞所依稀尙能

記亟剖土傍棺猶存石上字刺血滴骸骸沾漬

八解歸計又無

措慕義忽值張將軍首以金賻逾月達里門負骨拜老母老

母疑未眞出懸所拓石上字始見兒苦辛命兒搗土成新墳

九解兒身由父有父歸可不朽兒生爲母存母在不出門半菽

之養娛晨昏

十解

朱少仙

文治

以畫蘭見贈奉酬

少仙畫蘭得蘭意草草絕無畫工氣張我虛堂素壁閒彷彿
幽香襲衣袂愛蘭藝蘭蘭易枯何如腕底春風噓非其種者
志必鋤迅埽禿筆成須臾有時畫蘭兼畫葉深叢向背無複
疊有時畫葉不畫花蠻牋尺幅俱煙霞寫蘭如與寫懷抱能
事且向人前諺君不見千秋墨蘭數子固至今那得留縑素
又不見高人鄭所翁一腔幽怨誰能同趙松雪梅道人兩家
畫品各殊趣君參其法妙絕倫

少仙嘗謂趙松雪畫蘭全以
韻勝氣骨不及梅道人參兩

家畫法

以贈余我不知畫愛讀畫晴窗展卷神怡神他年傍君結茅

屋同岑臭味尤相親讀罷離騷惟痛飲美人遲暮不須論

孫旋元

字季履號蓮身效曾子仁和人
嘉慶丁卯舉人官建德教諭

送春和徐沅舲同年韻

尋春往日惱春遲今日遲春春不知別酒香斟銀鑿落離歌
聲颺玉參差有情節序愁中過無恙雲山去後思且向行廚
覓櫻筍清和領略雨晴時

孔廣覃

原名廣川字梧鄉桐鄉人嘉慶丁卯舉人官臨海訓導

冷廬雜識梧鄉司訓臨海余與居同里及官台郡學晨夕往來情好彌洽嘗贈以詩云閉戶尋真樂全忘禮法苛閒身書供養豪氣酒消磨官冷何妨懶詩傳不在多從游儻相許未厭數經過緝雅堂詩話梧鄉詩游山已盡情難了看月初生夢未圓來日無多須注酒此身坐老未成書殊似宋人風調

放懷

傳到千秋人幾何茫茫身世太蹉跎
出山蹤迹雲無定逝水生涯夢易過
可惜後來知者少不堪前事愧吾多
放懷且飲尊中酒眼底升沈一剎那

偶作

亂書堆裏置身寬我本儒生稱此官境到悟時心漸斂過因
改後夢方安不知報德談何易可惜留名事大難且向燈前
課兒讀幾家傳得舊甌寒

董

襄

字念喬號茗庵烏程人嘉慶丁卯舉人著茗花庵詩集

居庸關旅次有懷音樹仰皆兩弟

姜被頻縈夢途遙夢亦迷情牽生草句聲逼度關雞落月橫
窗澹疎星壓戶低不堪孤枕倚隻影萬峯西

錢廷玉

字繩祖號樸齋長興人嘉慶丁卯舉人著樸齋詩文集

縣志廷玉性情敦厚作文沈澁卷軸而出之以精純詩特其緒餘也又著周易鄭氏爻辰補

五峯山下步月詩

山花幾處發山月幾回圓時時玩花月顧影不知還欲落尙

未落繫在松陰閒微風溪上來鬱鬱生寒烟願言飲美酒醉
向月中眠

臧壽恭

原名耀字眉卿長興人嘉慶丁卯舉人

緝雅堂詩話眉卿爲鐵橋先生女夫長于春秋之學尤負史才著有南都事略其書不傳邵氏晉涵先有是作其目略見于養新錄今亦不可得矣

讀南宋雜事詩題後

宗社猶存半壁支可如西晉渡江時憐他宗岳皆名將只遜
溫陶被主知

一代興亾事可尋蘭蕕區列費初心如何絕代芳華手但向
叢殘拾碎金

樊榭曾編紀事詩詞人疏放史裁遲後生已晚殷勤甚舊作

龍州試管窺

余方撰南都事略未成

杜

煦字棟君號尺莊山陰人嘉慶丁卯舉人截取知

孫德祖曰杜氏世以名德為越冠族先生尤績學勵行

自弱冠以能文登鄉薦不慕榮利終老泉石隱然為鄉

里望者且五十年于嘉道閉諸者宿齒最少及與先王

父齒會俛後勁以子寶辰貴當得封典不受也咸豐初

徵舉孝廉方正郡邑翕然謂允副是名者惟先生亦力

辭不應命工詩歌能填詞書得香光神髓皆有天趣年

逾七十尚能作蠅頭書數

潤葩麗見者胥歎羨焉

陶濬宣曰君負異才博極經史而性獨澹退登第後與

計借者再即不出讀書教子二十年子寶辰舉于鄉亦

十年不試寶辰既成進士授刑曹君又即令引退杜門

讀書兄弟父子相慕師友吟詠輒怡如也宗侍御稷

辰稱君有實行而慕申屠不就之風擅雅望而嚴段干

不見之節雖古醇儒何多讓焉君平生以名教自任言

動具可法家富藏書手自丹黃疾病勿輟著述長于文

而自嫌於筆詩詞早工後亦薄之其詩清華雅贍卓然

名家七古尤浩翰奔放有奇氣鷗社中之最著者詩文

集凡四十二卷甫稜成板漫于兵燹世無印本君曾孫

鏡清百方購得一部蓋僅存

者恐其終佚故著錄為多

岳

春波詞寄王東江明經

花枝柳絲絲橫
窈吹停雲移思
美人來何遲
美人行行日
已遠闌干百曲
春愁滿緘愁不
用錦鯉將三十六
雙文鴛鴦
紅者蕙綠者楊
思美人波中央
花雨夢江鄉
江鄉又夕陽
美人來春風香
美人去春波長

送王東江明經之黃州

春雨絲絲不肯止
故人別我走千里
我留故人竟夕談
酸風滅燭雪花起
一年擬往吳一年
欲游燕行裝束復
解聚首重歡然
客夏西江不久歸
今番乃是真別離
黃州昔賢多寄迹
前蘇後宋相追隨
君今孤往攀蘭杜
謀生不敢辭商賈
兩地相思託雁鴻
十載論交傾肺腑
我欲結義呼君兄
脊令變起慚家庭
我欲登堂拜君母
恨無百鎰金爲壽
君行一事差心
寬先人體魄
青山安嗟我墓田
買未得殯宮
霜雪寒孤棺
此

外茫茫同一誤少年豪志何堪數祇道浮雲富貴輕誰知流水年光度淚亦不能盡悲亦不能述我弟沈疴猶未失若弟餬口憂無術去住都爲家計艱人生那得忘衣食入門有母尙尸喪出門無交堪促膝嬌兒稚女繞膝呼無父之人聽不得同是孤兒話慘悽可憐把袂無多刻各道相逢自有時相逢究竟知何日荒雞喔喔天欲白手寫楚詞送楚客

張雷門震招游三江觀放牖

我不能遍走名山看瀑布又不能力開強弩射海潮大觀獨到應宿牖三載魂夢生波濤梅雨初晴張子至許我奇境欣重遭龍宮不信無三夏冰霰炎天還倒射仰天大笑騎長虹但聞腳下雷霆大兩鼇交脛脈絡存疑以龍血非譚言金烏影落忽破碎精光或被潛蛟吞去水觸石嫌凌厲回頭欲返

嗟無計有如九江王自悔降赤帝內水趨洞洞忽閉轉頭急
趨鄰洞銳想見馬伏波去就蜀雒際奔流直下色純黑衝波
上捲色純白中開鑿空五六尺只有風聲相呼吸逆風獨立
風吹衣萬斛珠塵撲面飛兩山嵐翠都如溼振衣更上山巔
立蓬萊東指仙乎仙歸來異事誇人前腳踏牛斗銀河邊壯
游今已同張騫

送葛梅君孝廉

起元

侍莫寶齋師赴揚州校唐文

虎林虎阜數郵籤繞郭垂楊可遠覘名士東南今雨樂春江
波浪古愁添杏花時節紅襟燕綺歲神仙白玉蟾十里珠簾
相見日二分月子兩頭纖

東閣觀梅一笑陪梅君今日亦官梅桃花月米留人住芍藥
風姿待子開尙友三唐文字業修書小宋狀元才春宵合夢

蛾眉拜不羨徐陵序玉臺

埽葉辛勤手一編歸帆應是葉飛天
冶春好入紅橋社結夏還如黃檗禪
極目小山荃獨往有人同病意相憐
定知南浦魂銷後來約西堂夢惠連

小杜揚州入夢遲春波照鬢鬢將絲
免教薄幸流鶯罵難遣深情老鶴知
如此江山宜小住況兼師友劇相思
輸君楚尾吳頭地吟徧花紅玉白詞

哭菊生弟

天高神惡理難言怪汝何辜遽此冤
家儻有愆應我坐死無可代但聲吞
八年貞疾留絲喘余庚午抱病至今兩夕飛災赴鬼門
弟疾初起甚輕初六夜忽劇初八酉刻逝矣
悔不懸崖先撒手今朝一笑聚吟魂
神車屍馬散黃昏缺陷今番到弟昆
慈母忍哀翻慰我癡孤

錯信會還魂紙錢慘慘驚灰劫星月荒荒暗帝闈從此年年
餐佛粥滿盂盡化淚珠痕

伯歌季舞尙堪娛至性終推叔子殊何物妻孥關片念有時
禮法脫拘儒用心并不分朋好稱孝惟應埒女嬃如此短生
如此疾一回搔首一長吁

中年哀樂苦難支破涕爲歡酌滿卮浮世光陰一鳥過餘齡
修短九原知預籌長夜重團聚只算他鄉暫別離百恨很心
都闍起高堂何策解悲思

前身行腳最分明幼著袈裟喜梵聲慧業豈圖先作佛苦心
竟負未成名誰教故鬼邀新鬼倘冀來生勝此生十二萬年
天不老轉輪儘可展才情

未了因從何處猜未知果有再生來形神盡失徒遺照詩句

能成已減哀唱遍秋墳真鬼趣化爲脈望亦仙才孱軀定不多時別後會梅花幾度開

泊鷗吟社第一集擬唐人游仙二律詩

有序

夫渡江宜豪於擊楫而洗馬但覺愁生登山咸樂乎振衣而瑯邪幾爲情死良由感會非一欣戚難齊迺者鷗社初陪穀翁主會以擬唐人皇初平將入金華山玉女杜蘭香下嫁於張碩二詩爲題是蓋許牧兒之訪道嘉漁女之從夫匪曰夢游仙也抑將示雅意焉然而君子秉心過加矜寵恨人往事別有縈牽旣流涕於琴亾且驚心於草宿初平不返痛正觸乎卯君

謂亾弟菊生以癸卯生

張碩云逢姓更符合乎元伯

謂亾友張雷門在

昔羸糧萬里非乏成言繼室少姜兼多謔語

雷門與馬漁山

讀書古寺漁山鄉薦入而荆花屋裏交讓則五載半
都余戲請繼室於晉

枯誰松館中同岑則七年永隔適相感者能不悲哉
嗟嗟山中白石尙憂埋骨無從天上青靈將笑空牀
難守玉樓邈矣非金華古洞之可探蓉館歸乎賸珠
唾香盃而莫寄借他杯以澆壘塊我乃酒狂惜往日
而思美人詩須鬼唱自咎向隅飲泣大乖擬古言歡
比秋士之多悲冀冬心之共鑒云爾

皇初平將入金華山

一鞭相伴入雲根長往如何不斷魂求道縱拋家室戀陟岡
忍絕弟兄恩歸期杳杳難乳仙路迷迷石不言但使尋求
終會面天涯敢憚鐵鞵痕

玉女杜蘭香下嫁於張碩

莠綠金環覓句頻，綵鸞甲帳吮豪新。有情都合求靈匹，得婿還同詎會真。難忘良緣留玉簡，也知仙眷異紅塵。層城此際偏惆悵，羅帕金丹別贈人。

陽明先生年譜圖冊五排一百韻

舜江滢浩渺禹穴蘊靈奇，名世才堪數平生。業炳垂九州，鬢祀徧一脈。越人私入聖，鬚曾驗歸全。齒未衰，分年傳信譜。小像寫光儀，奕奕吳生筆。彬彬陸子詞，雲樓占瑞靄。崧嶽降瓌姿，五歲猶啞啞。千言默誦思，更名求古佛。出語走庸師，花穎金山詠。雕鞍紫塞騎，夢分王帥劍。神謁馬侯祠，合沓瑤笙奏。衝霄鐵柱咨，洞房澹鸞鳳。襖破宿茅茨，弱冠歌鳴鹿。專場嚴老罷，儒門秀才少。矮屋巨人誰，心豈科名動。書常韜畧，隨果香閒布陣。屐滑慣登陴，武庫真闕富。文瀾極混瀾，還應輕北

地真足服西涯粉署通朝籍雲門別故枝陽明留洞古陰雨
悼時危膽有千奴其天爲八虎司星曹陳白簡血杖伏丹墀
奄燄終難抑微軀幾盡糜投江避仇迹遁野懼親懼虎穴橫
身臥龍場閉道馳山程侵毒瘴水窟觸腥滌篋密朝吟鬼燈
涼夜照魑虞翻宜著易陸贄謾言醫破涕文哀旅知心賦弔
纍草廬容謫宦石槨笑行屍偃仰乾坤適磅徨孔孟追中宵
運澄想絕緒悟良知古本經非舛先賢說可歧宋儒嫌影響
漢學倍支離獨任千秋責曾無隻字疑同源許仙佛餘事作
皋伊旣樂英才育何難蠹梗治一朝撫南贛小醜戢戈鉞振
旅招霖應通鹽足餉資本兵增信服假節得便宜我備臬藩
久渠追漁艇遲勤王兵四合料敵計三施北闕須防震南都
又懼窺飛符驚電掣轉柁祝風吹妙策凶巢搗先聲賊膽褫

怯如鷺戀棧窳甚鳥黏獮樟鎮謀同集鄱湖勢奮揚舟從樵
舍破銃謝佛郎貽奏凱旬三日臨戎羽一麾才真逾郭李銘
可勒鐘彝佇待京師獻民方江介綏豈期威武帖忽將羽林
兒圈獸容還窟鉤鯨試縱鬚邀功邊將險玩武帝心嬉鼓不
回帆打矛將浙米炊調停規識量毫髮變成虧憂國防飛牡
持躬在守雌囚堪中使付勢任北軍欺野服常蕭散忠言密
轉移九華栖一鶴三箭服千貔績聽羣姦奪危從定力持豹
房旋士馬鹿洞擁皋比詎有奇勳賞還來偽學昔江彬纔默
默桂萼復訑訑芳草憎蘭茝宵人逞貝箕臧倉輕孟氏武仲
謗宣尼烏府章投匭南宮錄付劄問誰窺醞釀妄自肆欽蠟
朱陸非偏護瞿聃亦並疵求仁尤直捷希聖豈參差吠竟環
羣犬狂難炙怪鳴天泉仍置酒地火早占著西粵氛應埽南

昌纜偶維頂輿歡竹馬聽講詭茶廝幕府威全忘人師德其
祇草茅公好惡朝宁混妍媸夜氣長留說陰靈莫掩曦茶寮
清壁壘藤峽閔瘡痍寇除民害興庠教俗漓德將功竝立
心與力俱疲歸路青龍鋪虛空白鶴旂輕身無蕙苒落日逼
崦嵫庾嶺還軍整章門逆浪悲年難周甲子淚遍灑童耆盡
瘁躬方已光明念在茲元亭閒過訪巨冊快全披學問求真
是門牆慕昔規禎卿矜藻思蘿石拚吟髭自領微言妙方慚
故技卑才華鍊虛靜瓢笠悔晤呀縱未升堂室曾經侍几帷
吾儕徒愒日前哲不同時冬學渾忘陋春華漫愛攜淵源端
可接雕篆竟何裨舊宅居然近成編詎乏遺年年拜祠宇肅
肅仰鬚眉開卷心香爇終圖涕縷縻神明憑彷彿山斗費思
維傳習猶存錄聞風嚮往之

黃石齋先生待漏圖歌

款署乙酉春月秣陵曹彥子美寫吳思翁得之白下遠寄借摹

按先生以甲申冬赴福藩召次年正月入朝三月奉命來越祭告禹陵使未旋而南都不守厥後先生正命亦在金陵圖之

流落有自來矣

金陵宮闕雲頽然中有歌聲燕子箋先生早朝朱衣鮮威鳳
孤翔小南天半壁江山雖削弱胸蟠九務紆籌畧李衛公與
文信公古方一一尋和鵲搗骨補天天豈知漫漫長夜無旦
時九關虎豹難與語獨就文命來陳詞正月入朝三月出鬚
眉猶是陪京筆龍江灣口夢高皇血淚朱衣應若一吁嗟乎
朱衣不若囚衣赭白雲之庫孝經寫金甌當日尙完堅臣罪
宜誅甘折踝吁嗟乎朱衣不若麻衣白北山負土青原夢迴
首松楸那得還封疆眼看織兒擲海天風雨愁冥冥帝遣巫
陽招文星曹街沁碧千秋驛鄴山石仙涕亦零此圖胡不隨

飄萍得毋句漏烟嵐扁青霞主人遠寄我知我私淑有同情
嗚呼豈惟小子慰私淑君不見峯宛委洞陽明先生昔游屐
所經山之靈兮紛紛而來迎

十臺詠 錄二

黃金臺

千金掉首去飄然國士何能盡魯連此日駿先將骨市他年
仇可擢筋懸風聲翼北羣空馬習尙河閒女數錢碣石求賢
原盛舉誰知末路卻求仙

戲馬臺

八千子弟化蟲沙賸有高臺倚暮霞駿馬名騅能殉主沐猴
衣繡只思家重瞳相士陳韓失九日題詩晉宋誇荒土半邱
春色慘東風碧血美人花

沈霞西所藏晉泰始陳黑甄次蔡詩船韻

鳳臺土出陳黑甄歷千五百六十年草亾木卒灰復燃黑也

肉譜名堪填守黑曾垂老氏訓命名或自清談賢甄成闕逢

敦牂岷晉緒久纂文景宣洛陽青蓋待庚子江東點厯猶孤

懸縱令高平得裨將詎比番君用梅鎬霞西原詩黑也陳鷲裨將名鷲封高平郡

公疑是工名勒器物姑借地志談史編充勛首釀典午禍審

諤風替太尉鸞夕陽孤亭送鬼蜮疵眉黑女撒帳錢白沙謠

中南風熾黃門杵下東宮鐫梁趙金屑亦一快懷愍黑肯遂

相沿破坑合甌覆甌甄建典童謠見晉書五行志此甄入土影闕然古邱

翻幸中郎發戰績奈無隻字傳千歲闕體不生齒幾輩文士

徒紛詮雖然猶勝王阿黑祖生一叱陣失堅我笑陳陳相因

守此黑毛穎傳裏有陳元能以文通繼武達得毋苗裔仍蟬

連朔風號野狐枕首寒燐照棘蝸裹涎誰洗土花歸越絕竟
登雲巢置几前主人瘦腰向之折謂在蘭亭永和先詩歌相
與約遣日昇平不用談防邊

自題五庚圖

有序

余周甲初度比鄰傅君香泉倩章子蘭洲繪五老圖
爲贈而摹余小影於其中余旣感且媿繼思彼四老
者茫無平生曷若以同庚者易之而章子蘭洲實同
吾以庚子降此外少相知長相契居相鄰境相似者
莫若李望樓孝廉劍於是乞章子自繪其容并圖李
君如龍眠之圖西園雅集方擬更取同庚子者兩人
以足五老數兒子寶辰避席請曰大人于戚友誼莫
摯於陳芸圃丈丈今年七旬交莫深於茹韻香先生

先生今年八旬庚寅庚辰皆大人同庚也請邀二老
入圖可乎余拊掌稱善亟命辰兒往求陳而余自請
茹屬章子重繪而名之曰五庚圖在斯圖者皆余平
生歡也爰系以詩而徵和焉

冉冉下蓬壺羣仙屏障開我雖識仙人仙豈識我哉何如素
心交圖中長晤對藉慰晨夕思靡閒風雨晦我願合寓內金
蘭聚成圖暫借周甲名先聯同庚娛同庚忽周甲相顧易嗟
老幸有前兩庚吾年頓覺小十年添一圖百圖未爲多年齡
會有盡此圖倘不磨所圖凡五人獨我慚蹇劣矯矯四君子
道藝聲彰徹李君抱仙骨夙慧如鄴侯華笙踰艾齒玉質毗
蘭修章子善論交文通兼武達雋談風四筵妙畫嵐一闔下
方山削成爽氣與秋高陳兄居其旁推倒一世豪東武峯飛

來諸天作鈴語吟壇茹夫子廣大眞教主炯炯長庚星亙古
光在天留茲五庚圖論定待後賢平生薄桓榮車服矜嘖嘖
伊誰譌五更舉觴罰耳食

蘭臣得劉忠介家書二通其第一通用筆天矯離奇迥
異先生平昔而細觀結構毫無可疑敬跋一詩於後

蘭臣其世寶之

先生豈合以書論書亦龍虬化墨痕他日或多拈秃筆今朝
忽復見平原苦瓜啞口悲身世妖魅陰風塞國門一錯便成
千百錯綸扉何地付周溫訓公子云我家一錯便是千錯百
錯烏虜家國一理如思陵之擇相

何哉

漓渚雜詩

時寓寶壽寺

歇心亭下放籃輿何處能尋貝葉居寸萬鸞翎齊滴翠天風

爲染碧霞裾

寺門隱竹林中外有歇心亭神止祥所題

折磴層層迢薛滋山光日影竹交篩金剛閉置如新婦何似

山門作石獅

山深梵寂客來歡題額翛然而靜觀安得吟魂重喚起一杯

春茗畫琅玕

山深梵寂扁爲周竹翁書

倚壁枯梅不識春冰霜鐵骨尙嶙峋草花一朵開初地又悟

如來妙色身

老寺有老梅去歲枯矣

高僧夜氣識金銀龍象輝煌處處新獨向此中安卵塔百年

認取再來人

寺爲國初僧大鼎重修鼎得窖金數萬過葺招提歿於此寺滿渚張河督太翁亦名大鼎常

自謂吾鼎公後身也

神仙石屋筆山傍石几中閒接石牀可許世人尋路到炎天

借臥傲羲皇

白雁紅羊讖廢興玉鉤斜畔怨難勝
屬湖廿四堆春草夜夜

香魂望六陵

屬石湖在山後有廿四堆爲宋宮人葬處

東西華表鬱嵯峨翁仲無言夕照多
行路那知今古事都尋

抔土揖諸娥

諸娥墓在瀟清明宋文懿公本朝何惺庵中丞墓皆在焉

爭界何須石督郵水從牧嶺自分流
暨陽山色松林外七十

二湖皆碧疇

山諸兩邑植松分界七十二湖皆諸暨腴田也

前度山游記兩回十年王李喜追陪
鮎山宿草芝田鶴惆悵

僧廬酒一杯

石友歿葬鮎魚山芋町任青田學博故云

東坡先生詩云我頃三章乞越州
欲尋萬壑看交流惜

當日不遂所請乃吾越千古恨事也
奎宿之說雖出

方士然傳星申嶽公載之韓碑理固有
可信者癸卯

冬同人修葺山文昌閣爰肖公像於閣
下以十二月

十九日爲公誕辰落成設祀敬紀以詩卽以第三聯作楹語度風雅名流辨香申謁者咸有同心爾

仇仙題不到稽陰長慨蠡城遜虎林奎宿光苾天上照蔽山笠屐望中臨坐看萬壑交流水追慰三章乞越心擬學紫裘腰玉遂年年南鶴佇遺音

茶邨老人變雅堂集書後

驪烽虜禍怨音傳豈語宵衣十七年變雅堂中歌又哭楚天

哀雁痛周宣

集中稱思陵本中興英主

年年三月杜鵑聲兩字松風

烈皇所書

血背明江北江南數人物

當時第一沈眉生

松來閣記推讓眉生爲第一流

櫟園芝麓感恩多一玷其如不可磨雞絮哀詞都絕調九原

知否淚成河

裂卻儒巾志節堅
茶邱花冢拓情天
薜蘿身世滄桑筆寫到

青樓陳小憐

以小憐不忘故夫爲之作傳
茶邱花冢兩銘皆念舊也

登臥龍山望海亭

豈有真龍臥荒亭
風雨多海濤
流不盡人世幻如何
傳簡思青鳥成梁少
白鬚平生破浪志
落落未消磨

梅山謁仙尉祠

高風已隔三千載
想像逃名吳市閒
新室倉皇文母璽
孤臣涕淚漢家山
只今青史留封事
如此紅塵肯抱關
雲外九江何處是
故鄉應有鶴飛還

芙蓉萬柄古祠前
遺像鬚眉尙凜然
亂世餘生無姓氏
奇才末著有神仙
春朝簫鼓三閒屋
月夜清幽一勺泉
寺旁有小子真泉
折馨香親手薦
片時停爨夕陽天

讀徐天池集感賦

狂豈先生意其如抑鬱何文章當世賤禮法殺人多

天池在京人或

以禮法繩之輒大呼曰爾碎磔我肉空負行閒墨徒聞酒後謠誰教天下士白首竟蹉跎

種山

嘆息青山黃土消閒尋古墓久蕭條春來草色萋宏血秋到松聲伍相潮七策才生烏喙忌五湖人與玉顏遙曲江白馬無窮恨采取吳歛補大招

方干島

一片寒山迴絕塵方君曾此寄閒身詩巢品擬秦公緒鑑曲居鄰賀季真樹鵲溪魚依逸士巖後梁燕識高人筍莊當日千回醉多少風流託釣緝

戊子秋初聞石友親家墮水馳使奉訊得報迺知六月
廿三日以平章姻事薄暮舟歸鷁首醉眠和椅入水
既出險更號載生子作載生彌月歌紀事并寄以索
和諷誦歡喜偕舍弟蕺陽各次原韻并命辰兒同作
先生駕鶴賓偶作釣鼈客河伯欲試之邀涼當暑夕誰知得
道人入淵果不溺卻喜肥瓠軀取冷澄水帛大年增八千仙
劫脫五百更號載生子又逐猿鳥迹回頭晒龍公水尾眞下
策開口索麀書湯餅會舊宅漫賦夢遊仙休歌醉落魄且學
洗祿兒乳襍試偃息還如弄摩睺盆水仍拍額後房起笑聲
滿堂添喜色從此王鞏戊子生竟將孺子呼亦得

牋尾多空戲綴數句再博載生子一粲以君易初度于

度尾之日也

蓮花之生六月二十四蓮華之兄載生子如我甘以蓮弟呼
蓮花一日長乎吾蓮花博士月俸百壺酒年年先爲蓮兄壽
餘歷或霑蓮弟口笑矣乎蓮花如水仙亦有梅礬相後先笑
矣乎同君生日齊我年眼前更有李青蓮
令表弟李望樓以庚子六月廿三日

杜春生

字子湘號戴陽山陰人嘉慶丁卯舉人候選主事著小學齋詩詞

陶潛宣曰君爲尺莊先生季弟故更字禾子與先生同
領郡薦性喜聚書九軌金石常恨兩浙無漢碑偶爲先
人相地至跳山訪得建初大吉摩崖遂著越中金石記
君常按圖經諮野老山寒谷幽披榛踐屐挾善拓人張
姓窮年接別在家則壁一繩終日懸碑審視參稽博攷
不輟有山氓傳秦碑尚在鵝鼻山願者卽日持乾揆冒
岨嶮求之遍索無蹤而後已撰金石記十年始成體例
極精審又著刻中古歌錄候星纂要詩文不多作並散
佚今於蘇甘

廊集錄此

奉懷吳荷屋夫子

榮光

涖任黔中恭次述別四律原韻

東風吹綠短長郵聽說前旌度薊州赤子朝饑陳

黼座

彤廷晝接錫康侯蠻疆撫輯心彌摯汗簡勳名鬢未秋稍喜
征途慰吟興澧蘭沅芷待春游

龍門回首阻攀躋三度慈雲照浙西桂府霓裳傳法曲蓮湖
畫槩劃香泥旌麾喜自仙霞賁金石閒教古越稽歲晚寒江
添別恨輸他梅柳送長隄

方向茗湖挽漲瀾油幢又見朔雲寒威行鳩繡三章肅惠軫
鴻嗷百堵安襦袴民歌來已暮屏藩

帝簡借偏難穴狐除後蠹城靜蠹糲從今得飽餐

敢望成書擬玉杯耽奇偶訪古巖隈廬陵德望偏同癖皇甫

文章肯費才師許序越中金石記自愧荒莊無藥采公憐小草有花開

懸知芳杜洲前立還憶門牆小杜來

戊辰己巳闕與兄同在都中師以小杜見呼

和王南陔中丞

紹蘭

空山感舊圖次韻

有序

太傅朱文正公乾隆己亥典閩試道經江山之蘇嶺

寺見其兄筇河學士庚寅所留聯語題詩云江郎一

面赭蘇嶺萬竿青雲路初緣磴淙聲已建瓴山僧諳

舊雨使者閱流星壁上吹壘句登臨記此經次年庚

子文正視閩學過嶺疊前韻有舊約懷聽雨新恩暫

聚星之句癸卯使旋經此則學士已歸道山矣文正

三疊前韻有字蹟驚分雁參辰竟隔星之句蕭山王

南陔中丞爲文正視浙學時拔萃高足弟子成進士

後仕閩屢過屢讀嘉慶甲戌由福建巡撫入覲復經

蘇嶺和原韻作二詩兼將筇河學士聯語重裝歸寺

及旋里後繪空山古寺殘詩感舊圖圖成於道光戊子再和原韻三首作序徵和且曰和詩宜用原韻俾歸一律中丞品學悉以文正爲指歸顏所居曰許鄭學廬

德人朱太傅幽顯眼同青噬虎驚撞斗

太傅少時劉文正以發觀噬虎屬詠讀至

東龍西龍鬪赤日冰髯老蛟碎玉斗嘉賞之

扶鸞響應瓴

太傅戲書一詩焚之獨室黃石齋先生降卦嘉

石經

椒花荆借紫

箚河學士京邸有椒花吟舫

榕樹棣分青歡盡聯牀雨酣翻

渴海瓴西崑雙璞玉

學士太傅作秀才時劉文定以崑山片玉歌面試之

東壁兩文星

先後驂鸞去悲鳴感雁經

餘光分乙火

中丞爲余序越中金石記

險韻比丁青

太傅有和人丁青韻十二章

聲繼

譚家鳳詞符紀伯瓴三車才賦海一吹劍衝星枕寶傳吳會
神鞭羨蔡經

次韻同家伯兄和王石友

望霖

載生歌

冰人不知冰乃作襍襪客如何月下老行以月黑夕蹇修遂
遇蹇溺人應笑溺幾以千金軀殉茲五兩帛倘非浪擊三胡
能人贖百君家無不有尤富書畫迹一椅奏奇功碌碌嗤琴
策嗟我痛鮮民青山待元宅景純未游仙庶藉安先魄矧君
樾蔭長眾暘所託息萬口齊籲天不獨我慶額卻怪晶宮空
手歸徒誇水底黃金色探驪還讓兩郎君龍門一躍雙珠得
題拒一兄歸來圖

屢向都門話息機果然片舸拂征衣傷心獨立天涯客示及

秋鴻並翅歸

臨川兄有
獨立圖

簾展西風不肯溫眼中造挂奈黃昏畫簾微雨無窮恨莫怪

今朝又出門

兄弟情凶復有揚州之行

馮春潮

號球山陰人嘉慶丁卯舉人官慶元教諭著金帶集宦濠草

馮賡序略球帆賢從幼隨族兄豐如游粵十六旋里及冠兄在粵捐館獨往扶匱歸葬後計偕留京禮向懷之戚載旅櫬及遺髮以歸俾歿存得所筆耕所及周族黨敦友義晚年秉鐸濠洲旋卽引疾其詩抒寫性情有合於風雅

孫德祖曰先生與于先祖義烏公齒會不肖童時及見其氣度從容靜遠一如其詩至今猶想象象得之

人生重知己

我羨豐城劍終歸雷與張我羨太行驥長鳴得孫陽當其沈埋時徒有牛斗光昂昂千里駒仰秣鹽車旁

自信

水流雲在處花落鳥嘯時入室無他物探囊有小詩縱憐潘

子鬢詎染墨公絲沈靜原天分王郎未是癡

胡思聰

字軼倫山陰人會稽籍嘉慶丁卯舉人官開化教諭

緝雅堂詩話惠州有清醒泉鄧同年承脩題云休論坡老升沈事來試人閒清醒泉因閱軼倫詩并記于此

清白泉

太守名不滅鑒茲清白泉蔚爲朝野望定見子孫賢昔日在山志幾人循吏編莫嫌一勺小流播必千年

呂承恩

字戴山餘姚人嘉慶丁卯舉人著紅雨山房集

謝貞女詩

女未廟見卒歸葬女氏黨既未成爲婦其鬼將安享共姜賦柏舟我儀鬣尙兩之死矢靡他守志厥初仿聖人情爲田怨曠兩不强旣無重婚罰焉有未婚賞可守不守閒眞誠發慨慷咄咄謝貞女逸志同雲上緬彼委禽時津門雲莽蒼傷懷

歌芣苢充飢拾粟椽逝者不如今妾身猶是襄君舅宦粵東
南歸迎雙槩始識沈郎門未識沈郎像新婦未亾人拜而后
稽顙無何翁又隕一落眞千丈竭來母家居齊籜勤績紡卅
年集荼蓼可歷不可想嗟哉女貞詞讀罷心忽朗譬如奇男
子雄心翦夔魍方其抱血誠天地爲震盪譬如隱逸民高風
振林莽方其甘肥遯宇宙覺寬廣譬如戒行僧定識伏龍象
方其持嚴律邪穢都滌蕩又如佔畢儒屈志守益盎方其績
苦功才名終骯髒怪哉一身兼乃在貞女榜禮經無明文嫻
孀競宗仰於例未得旌在聖必加獎

梁

死

字宗炳黃巖人嘉慶
丁卯舉人著蛙鳴草

雙現齋筆記宗炳蛙鳴草已載邑志今其子
澱孫尹兩茂才又搜得二卷爲環綠軒稿

隕石歌

嘉慶十七年壬申時維十月之中旬是日卓午天作雨大風
不復能揚塵似雷非雷聲號號不及掩耳驚四鄰瞻仰昊天
何所有忽然怪石飛海濱是時下梁及下陸飄落四五何嶙
峋形大於升小於斗入地尺許迹未湮外黑而青內暫白更
似鐵彈皆光勻若從大造鑪冶出氣熱如炙不可親古來天
缺誰則補媧皇鍊石巧而神不知經歷幾萬劫當初五色相
鮮新春秋宋隕數有五於茲復墜非無因去年此月鳴天鼓
彗星似帚光爛陳今春噉噉鴻滿野五百一斗米足珍小大
市無半粒粟兇頑結黨如黃巾以強陵弱眾寡劔刀瞪瞪
白似銀秋來疾病屍暴露十家九戶時吟呻橘柚成果花復
發咄哉怪事何頻頻我

朝定鼎百八載

主皆

聖主臣賢臣此中消息杳難測幾回搔首問蒼旻

章太和

字冠英會稽人嘉慶丁卯順天舉人官山東蒲臺知縣著三餘館文稿泮遊吟稿

家傳略太和幼穎悟十一齡應童子試爲寶東舉學使所識拔與弟鳳翔及王笠勛詩酒倡和並負時譽

朱仙鎮謁岳忠武王祠

乘勝之兵不可阻阻之各懈其心營已聚之民不可散散之各顧其家難此機一失不可爲遂使精忠耿耿千載悲有宋開基本忠厚版圖獨缺飛狐口未復燕雲十六州遽使兵權釋杯酒二百年來生忠武神算兵機超萬古正值干戈起北塵欲平河朔還中土不步頗牧塵不接孫吳踵以少而勝多智信仁義勇彤庭召對天語親中興之事一付臣泰山易撼岳難犯目中早已無金人背嵬一揮北地震大將長矛先入

陣百戰將成恢復功傷心只在朱仙鎮千載一時計忽摧從
此彎弧驕肅慎本期飲血搗黃龍乃使臨河返白刃義旗一
散忠膽灰一簣功真虧九仞縱教身不殉風波重來未必能
觀覺嗚呼王之忠青史筆王之兵古無匹何必小儒重引述
但有一論我不平謂南北朝本天成縱無十二金牌召未必
二帝還神京不知用兵貴乘勢義憤之兵其氣厲百年涿易
沒強遼團鄉猶有齊民衛何況太行邈迤東一朝強賦金庭
稅王本湯陰古相人山岳英名馳早歲一呼大梁千櫓齊再
呼河北風雲契帥以洞庭湘鄂之勁旅輔以邯鄲上黨之精
銳但使揚鞭一渡河金人百萬無噍類奈何君愛小朝廷甘
心願作偏安帝長城自壞大星垂天子宮中不流涕始悟當
年三字冤一檜何能施譎計此機一失不可復孝宗之朝徒

碌碌忽和忽敗百餘年從此封疆長窮蹙可憐大學衍義篇
斯文同覆厓山麓回首朱亥里上祠朱仙鎮卽朱亥故里六陵夜雨冬
青哭

大梁懷古

臥榻鼯聲不敢狂宣和媼相失金湯杜鵑南鳥愁先覺鸚鵡
西川問上皇賸有樊樓邀夜月更無艮嶽聳秋霜行人莫起
繁華感且自銜杯趁晚涼

陳

詩字校風蕭山人嘉慶丁卯順天舉人

表忠觀落成詩以誌事

湧金門外湖水邊越王祠宇飛寒烟魚鱗剝蝕封苔錢古壁
荒涼引蝸涎蘇公豐碑倒地眠鼯鼠爭竄簷欲穿晚樹殘陽
響杜鵑武肅文穆獻懿傳手障東南半壁天飛龍舞鳳脈蜿

蜒鍾毓靈異皆英賢捍衛生靈安樂全真人既出星聚躔拜
手稽首殿陛前獻納土地舉宗遷天子寵賚禮數虔金符玉
策盟書堅寶融張軌紛周旋春秋禋祀賜墓田而今殿宇藤
蘿纏維茲乾隆乙卯年後人念祖葺棟椽銘勒版碣工雕鐫
玉帶錦袍人儼然冕旒佩服血食緜吳山越水德永延椒漿
桂醕陳前筵

陸寅初

字德穎號鹿山歸安人嘉慶丁卯副貢議敘知縣

塞上

雄關四面鎖崇巒一帶長城勢屈蟠雲氣低侵山腳溼雪花
高擁馬頭寒戍樓更靜笳初動野店燈明漏未殘此去燕然
知幾許空厓擬剔蘚碑看

韓慕嶸

字春颯蕭山人嘉慶丁卯副貢著春颯吟草五種

摩烏山

在湖河

螺鬟縹緲插平湖古蹟相傳此摩烏巒影擘分四面落波光
搖動一峰孤重瞳大事歸拳石亞父雄心逐野鳧絕頂登臨
塵慮息翻疑身在小蓬壺

滂湖湖海樓

陳聲揚先生藏書處

百尺危樓接桂山搜羅墳典俗情刪天開金簡玉書穴地拓
韓潮蘇海觀有客正堪評往史非仙亦自出塵寰臨軒北望
平湖闊擬共長鯨破浪還

吳載

字獻村錢塘人嘉慶丁卯順天副貢議敘知縣

定香亭筆談南屏司馬公摩厓書曾以試

士惟吳生載和詩指陳真切可與論古
錢泰吉日蘇村舉動不苟篤于倫理朋友有過規諫必
切刻日課格以貽相知每以毋自欺爲戒嘗居禾中績
學砥行之士
多與訂交

游南屏觀司馬公摩崖隸書

朝相司馬公四海慶無事公治何能爾公識治平義我來南
屏下見此摩崖字俛仰溯千載公意恍我示緬昔元祐年公
荷股肱寄出處素位行聖經仰而企宮中女堯舜亦識利貞
意當安不怠危楮墨露真誼不見蔡平章俗書逞姿媚竇緣
入政府國事隨意置一反公所爲柄政如兒戲忠佞不兩立
黨禍滋猜忌大書千佛名深文亂真僞釀成靖康變一敗乃
塗地圖治我公難僨事若輩易當時朝中人公書誰省記經
綸貫千古餘事極高致熹平中郎書視此猶當愧陵谷幾變
遷金石多失墜此書終不磨鬼神護蒼翠

高

塏字子才號爽
泉錢塘布衣

諸可寶傳畧高布衣父某以進士宰蜀值西賊用兵解
餉橋中途爲僕人盜金遁獲嚴譴布衣遵遺命不事舉

業希進取崙精入法得力于小唐碑居多時阮太傅督
浙江學以萬歷刻薛氏鐘鼎款識列爲因本朱氏謀聖
所刊更以宋石本五塊樓鈔本互相校勘復就
閣本補正之屬陳豫鍾摹款識布衣錄釋跋刊成人皆寶
之迨太傅撫浙延主章奏求書者日不暇給中年客
江淮與郭山人麀相唱和惜爲書名所掩詩鮮傳作
題韓小米日華揚州畫舫詞圖

公子今詞客清才擬謫仙歌成紅豆曲人對綠楊天豔洗芙
蓉水香生芍藥田好留佳句在莫讓古人傳

葛

暮字岷樊錢塘廩生
著螺洲老人詩集

次韻史蘭石渡江曉行

一棹侵晨發客來漁浦東煙空波淨綠雲澹日嫣紅
芭屨草閒露葛衣林外風高齋知不遠曉色漸瞳矓

張

葵字丹厓錢塘人
著丹厓詩鈔

杭郡詩三輯丹厓隱
居定鄉以著述自娛

兩浙輶軒續錄

卷二十四

葛暮張英陳燦

三

秋江晚渡

寂寂樟亭對落暉
蓬窗晚眺思悠悠
哉岸容顛顚憐紅樹
沙面迷離積翠苔
風促浪花隨水去
山移雲影過江來
獨憐小艇輕於葉
遙指漁潭打槳回

陳

燦

字二西錢塘布衣
箸師竹齋詩稿

屠倬序畧吾杭隱君子二西陳先生家君弱冠時布衣
交也長家君十年今八十矣倬初垂髫見先生葛巾藜
杖與家君相往來拱手端坐作世外語十六七時見先
生作篆隸書或畫古松野梅叢竹之屬淋漓滿屏幃則
大驚以爲古人所爲詩不自收拾往往多見道語有邵
堯夫擊壤遺音不就科舉不事生產布衣終老藜藿不
給無戚戚之容不知人世有是非得
失榮辱之介所謂有道君子者非歟

金烈婦挽詩

于歸之時夫已病每慮身後婦貧不
能守常以爲言逾年夫歿歸服慙死

結襦未兩載何事便摧殘
責重情難戀身歿性自安
只圖先夫死曾否厭家寒
漫說同朝露完名定蓋棺

弔陳朝檜

城北昭化寺有羅漢松一株故老相傳爲陳朝檜成子同童佛庵過寺樹大半凋落唯

旁一榦撐空橫出雲表如龍爪如鳳翅蒼翠階檜
枅過垣欲作一圓案頭展玩鹿鹿未果今夏復與佛
庵過之唯磊珂尋丈而已同用

少陵古柏行韻弔之并補圖焉

鶴骨虬筋迴松柏溜雨凌霜堅迸石憶昔曾遊童卅年美蔭

幽奇勢千尺曩歲來看大半枯怪崛幾人知愛惜四百八寺

盛南朝樓臺金碧佛毫白翳子飄泊走西東獨推此檜壓琳

宮孔林千樹原植少虞山七星半已空

虞山致道觀有際明太子手植七檜今存

者只三耳吁嗟萬物各有數巨靈一夕撼天風枝葉摧盡賸貞榦

千年呵護神無功明堂未得作梁棟清操徒使文人重竭來

憑弔款禪扉一椎孤影斜陽送鐘鼎山林同一揆世閒幾見

梧棲鳳人壽若能如汝長終老何妨甘不用

金

菜

字誦清錢塘人
候補員外郎

菴揭山房詩話誦清生長綺羅性耽書畫嘗集明人法
書刻之名清嘯閣帖尤愛憚南田筆墨搜藏獨富所至
山水勝處輒有題名詩才輕蒨如幽居秋晚云蒼苔猶
有色黃葉欲無聲咏簾云隔院渾疑霧齊檐不礙風寒
食雨中泛湖云潑墨欲遮山寺塔淺花半露酒家樓理
安寺云藏經樓抱千重樹法雨泉飛四面山亦堪諷詠
年三十餘而歿西
洽同學皆爲歎惋

葛嶺

鳴泉落幽澗始與澄湖通葉葉釣漁艇搖漾空烟中沙禽白
於雪深映葭葦叢幽尋行徑紆忽欲迷西東遠見江外山螺

髻紛青蔥

何元錫

字夢華錢塘人
著秋神閣詩鈔

府志元錫精于簿錄之學家多舊書善本嗜古成癖
精審金石嘗于曲阜訪求漢碑搜幽索險務獲乃已
石溪舫詩話夢華有金石癖嘗病狂友人約贈以漢
碑乃服藥而愈阮中丞延之訪經精舍校刻諸書
中秋後招同人集張園來青閣

西郭幽棲地尋秋倚薄暝柳疎先受月波靜欲歸雲旅雁還
求侶沙鷗總戀羣何當樓上宿花雨看紛紛

湖上餞春兼送吳蘭雪歸東鄉

百花過盡冶遊稀激灩波光接翠微無計能留春共住關情
又見燕分飛青山何日酬初願白紵經年守故衣記取離亭
回首處綠楊陰裏雨霏霏

淮陰釣臺

劉項興亡代幾更釣臺三尺尙崢嶸早知推解翻成餌自願
綸竿老此生渭水後車王者夢桐江高臥故人情可憐一樣
投繯處只有淮流怒未平

黃鍾秀

字實甫號春澗錢塘人著春申閫詩鈔

羣雅二集春澗精內典性情高
澹丰致若仙著有芝田外史集

落葉和阮梅叔韻

遠戍悲涼咽暮笳曉風驚起出林鴉天因晚歲迴春信人過
中年感物華梁苑雪深衰草徧吳江楓冷片帆斜木蘭院裏
留題處定有闍黎護壁紗

塘棲卽景

瓜皮小艇疾於鳧湖面平如玉練鋪一角青山數行柳天然
一幅水村圖

荒坡斷堰慣撈鰕開徧蘋花更蓼花卻傍桑林閒曬網三秋
煙景屬漁家

袁

通字達夫號蘭村枚子錢塘人官河
南汝陽知縣著捧月樓詩詞稿

己未十月八日訪張船山太史於京寓小游仙館留飲
醉後寫秋荷一枝見貽奉酬二律

小游仙館叩霜扁落葉聲中響屣停紅玉
噴能消冷日黃塵
飛不進銀屏尊前撫劍心空壯醉後論交眼倦青只恐司天
有人奏文星移傍酒旗星

親把生綃尺幅裁風荷爲寫一枝來畫中秋比人閒好心上
花從筆底開慙我難爲名父子除君誰是謫仙才歸裝大可
驕同志攜得張顛醉墨回

余

鑄字起泉號慈柏仁和廩貢候
選訓導著慈柏山房吟稿

杭郡詩績癖慈柏性伉爽能面折人過好游佳山水至
老不衰意興所慨吟歌忘返所居有燕巢瓢池芝石曲
尺廊琴趣軒諸勝工畫梅古香冷格
能得蒙泉之遺詩體澹雅如其爲人

讀奚蒙泉 同冬花庵燼餘稿

湖山小隱寄平生杯酒還餘放達情詩境妙來開畫境榮名
謝去得清名荒涼宿草蛩吟切零落冬花鳥夢驚手把一編

難卒讀幾行老淚爲君傾

寄懷諸吟社

江水畫西東江雲入望中
殷勤通尺素日夕數歸鴻
旅館秋光好家園月色同
何時重話舊不放酒杯空

朝鮮國孝廉崔斗燦航海被風至杭寓仙林寺樓望湖
有作依韻和之

三面環山一面城湖光遠映寺樓明
移舟若傍蘇隄住楊柳千條繫客情

高鳳墀

字芝檢號志仁崇文子仁和貢生

萬青藜存仁揚記畧仁和高君鳳墀樂善好施凡鄉之善舉無不力行嘗購地千餘畝以葬邑之不能葬者前後所施棺木以數萬計所收葬暴露棺骸以十數萬計人以其存心惻隱而仁及枯骨故名其地爲存仁場七十病中口占

齒埋髻掩平生願七十年間十萬棺此去不須愁寂寞九京
與爾耐盤桓

俞恭仁

字寬甫號少卿改名廷簡仁和諸生

穀日偕王香雪

乃斌

魏滋伯

謙升

沈朗亭

兆霖

曹曹村

惠馨

集高伯蓀齋中分韻

王郎酒酣氣如虎競病騷壇鬪笳鼓主人壁壘開森嚴塞上
蒲桃作樓檣魏侯兜袞無一言暗笑諸君作詩苦春雪滿階
柝聲凍牆外大星青可數

余新傳

字浣花仁和諸生著盟鷗館吟草

丁申曰浣花丈少與陳雲伯李西齋
同事倚聲之學湖山嘯傲情緒纏綿

丙子夏日過松風草堂題宋謝文節公遺琴

朱鳥化白雁來珠襦玉匣成飛埃謝公北去事已矣有琴猶

題疊山氏號鍾傳自今山水有清音餓隸二十字壞漆千年
心琴兮琴兮既不隨琵琶前夜煙江中錦帆寂寞思故宮又
不隨竹如意兮西臺上再拜陳詞哭相嚮只有青原寺裏冰
絃松風鳴與君絕調淒涼同淚傾嗚呼吞腦子旣如彼茹蔬
果又如此一樣甘爲趙家死文琴落閩中斯琴傳浙水遺物
至今猶媲美吳君好古深示我三歎息清風如對采薇人縱
有七絃彈不得

黃

璋字奉義仁
和諸生

擬郭景純遊仙詩

金門避方朔卜肆隱君平人閒偶遊戲未若歸蓬瀛蓬瀛多
鶴舞瑤草兼龍耕相邀羨門子得晤安期生三華鍊玉液九
轉還金精飄飄萬里外雲臥恣遐情揮手別鄉曲丹臺昔留

名

窈藹疊嶂開蒼翠澹無外上凌丹霞梯下瞰青谿瀨有客悟
無生超心絕埃壘臨厓掇紫芝登峯蹇素柝棟樓澗底雲松
鳴谷口籟道逢王子喬攜手斟沆瀣示我千齡術吹笙遊上
界

黃河走東海一去不復留金颿起西陸寰瀛颯已秋莊生夢
胡蝶物化良悠悠至人寂無欲抱樸誠自優棲神全太素契
道非冥求層阿煮白石列宿明丹邱真空一心炯乘雲跨露

如

白雲在絳霄舒卷任所欲元鶴翔青冥不受樊籠束自古餐
霞人逍遙闔風曲潛心探淵元高步超凡俗暮吞若木華朝
望扶桑旭廣成語至精老氏示不辱慮澹物莫撓理愜神愈

足真氣充戶牖停琴讀丹籙

巍峩閭闔開振衣升詆蕩未覺青天高長懷紫霞想羲和回
日車敲作玻璃響北斗酌美酒能使朱顏朗塵世有代謝仙
靈自倜儻夜色耀金波晨光銜碧掌冷然御風行春秋獨來
往

徐

煌

字小鶴仁
和諸生

冷泉亭

空翠溼人衣空亭坐息機樹從青嶂合鳥挾冷雲飛流水無
今古閒僧少是非斜陽留一片坐久竟忘歸

勞經源

字笙士號常
甫仁和諸生

羅浮胡蝶歌

麻姑殘綫春偷弄繡絨五色俏無縫雲峯巖下日飛回仙地

長留胡蝶洞綠陰叢鬱山屏開倡條治葉樓烟堆千絲卻少
紅蠶巧也向薰風破繭來流蘇織翅雙金縷雲錦皺毛輕一
舉香國柔牽茉莉風蠻溪小怯檳榔雨葛翁衣化得傳聞尙
有仙機說幻羣曾記鬱棲飛壞幅如何不借鮑姑裙輕呼蝶
子來深院繡簾開處分明見紅藥春槽撲畫窗白楊舞社歸
團扇綺衣翠羽舊夢殘美人日暮來嫻嫻待到淒涼飄一蛺
芳魂應伴玉梅寒參成色相都無據蝶兮蝶兮誰覺去成團
逐隊空自忙從古文章無用處

王丹輝

字子觀海甯諸生
著小梅花庵詩鈔

崔以學序略王先生詩如白雲舒空淡而能腴蒼崖

古樹湛然以深吸精存液絕無浮響知其必博也

蔣楷曰水村隱居鷓鴣湖東鄰皆種水秋來時

權小舟尋詩於荻花菱葉邊得句卽倚蓬寫之

緝雅堂詩話子觀隱居詩云早潮落後魚叉
見夜火明時蟹斫多水村風景不啻圖畫也

鹽官雙忠祠

祠祀睢陽太守許公遠中丞張公巡南霽雲雷萬春姚閻從祀許公鹽官人

授柄先推太守功故鄉伏臘走村翁未輸李郭聲名大祇許

南雷血食同大樹千秋留手植

許睢陽公手植銀杏樹在邑東北四十里故廟泗水亭側

廟卽公讀書故址

神兵一隊領天蓬

見王明清撫青雜說

定知殺賊心長在海

上鯨鯢似釜中

謂洋匪蔡牽

武林客舍聞賣花聲

杏花春霽古臨安人倚樓頭賦曉寒紫韻紅腔聽又過家家

門外日三竿

清明

風俗江南最繫情家家女伴說挑青碧螺蠶核共團坐玉手

銀鍼相映明

俗以清明日食螺蠶名挑青

墓田多半近兒孫歲歲年年祭掃勤一樣春風吹草綠紙錢

不到沈家墳沈珩字昭子號狀巖康熙甲辰科二甲一名進士己未試鴻詞科授編修墓去余居宅東半里

四十年來無到祭者

張孝子詩

孝子福孫年二十九住邑之硤石里北湖先生後人庚辰五月父病篤孝子割臂肉以進

誰非人子誰爲孝子張氏有子孝子孫子解父病連年兒心

傷悲天病兒父不如病兒解父生兒依父死兒甯獨生若藥

弗效兒身不自有兒命是輕解謂蒼者天謂黃者泉神示有

靈兒父痊兒臂不知痛兒心如箭穿割肉作糜拭淚進父前

父下咽神示有靈兒父痊解父起問之兒曷顏如土詭言以

對兒心良苦兒不自痛兒身自父豈不痛兒父解大聖有言

唯疾憂親唯疾憂親欲報之恩區區割股昊天寔閔解

沈烈婦詩

婦李邑人幼病愁既長嫁沈連城仍病年餘沈死婦視斂畢就緇道光二年四月某日也

人謂婦癡婦不癡癡而能烈誰有之人謂婦悲婦弗悲見夫

則易悲何爲

解一

去年李氏女今日沈家婦終年抱病夫心憂

一死報夫夫不朽

解二

東西山晴雨同南北湖清流通貧賤夫

妻生死從

解三

沈檀之木不言文理烈婦之德豈在容美沈檀

之香烈婦之死

解四

悲火葬

仲冬日短至陰氣塞兩儀相沿焚棺俗慘毒莫甚斯可憐陳
死人痛此厄難辭親戚送諸野還如送終時剖以匠人斧駕
以祝融威屍爛等炮烙棺炊若屢屢眾拾紙錢去酸風郭邊
吹野犬捧髑髏驚人作人唬林深雄鬼聚夜黑鴿鷓悲來春
燕血處更無芳草萋萋詰朝收爾骨婦子衣紅衣其骨以甕裝
其肉作衣飛厥名曰火葬覆以一抔低南東至於海禾北鹽
官西凡此百里內見者輒歔歔貧民習爲常難以情理規雖

燔其父母子不垂涕淚我思作俑者定始釋牟尼謬用荼毘
法漸染及羣黎又觀南蠻傳俗死則燒屍如何吾鄉民類彼
冉駝夷月令重掩埋道無骼與鬻周文葬白骨四海感恩施
愚民爲不義傷我

皇政慈賦詩裨教化

天高或聽卑庶幾縣厲禁此風期可移

查奕慶

字蔚湖海甯諸生

吳衡照曰謝客才高支公理勝五七言古體可謂妙絕
時流蔚湖爲梅史從弟殆猶元美之有敬美司直之有
也

由九折坂至鷹窠頂

雲岫不知處仰面惟見石當關熊掌控負嵎虎領搯一折一
危崖峰落適平額夔魁勢猙獰先聲奪人魄恍挂側趁帆強

與西風逆低避枝撐頰滑虞齒折屐拂裾翠靄黏炙背秋陽
赫林壑轉不窮煙霞幾重隔風疏度梵響始覺在咫尺山犬
臥苔陰掉尾起迎客叢條竦木末廁立無罅隙迴顧來時路
一綫天痕碧

讀北史

食輿新載美人把二月深宮唱白花鐵鉞終和銅鉞破淒涼
鄴老說元家

朱戶重重鎖玉闈難隨明月照君幃入關留得冠纓索錯繫
焦梨狗子歸

許堯咨

字師錫號鶴汀海甯諸生著鶴汀詩鈔

許淮祥曰族祖鶴汀公性孝友晨起必入父室奉沃盥侍饗殮頃刻不離夜漏下三四父寢始就寢歲以爲常公娶徐孺人外舅爲諸暨校官公至學署爲贅婿結褵甫十日以弟昏及期歸並送弟至東明往還五千里星

馳返命以慰父心徐孺人病子亦病公偕至梅里就醫
俄聞弟疾作急歸視置妻孥不問數月弟疾瘳而子竟
死公不以爲憾好周人急家
固貧傾囊無吝色感仰賢之

秋山漫興

敢將懶骨傲雲煙山色空濛雨後天木落乍知樵徑遠峰危
疑向馬頭懸浮名似水都無夢濁酒逢人且作緣還把閒情
問鱸膾季鷹何事至今傳

田居

漸見春光逼柳條風吹戶外草蕭蕭偶然石上頻支腳不向
人閒去折腰茅屋安眠清夢靜竹窗斜放遠山遙曉來沽酒
渾忘卻行過橋邊覓短瓢

王榕端

字樸圃海甯諸
生著樸園詩鈔

吳錫祿序略王生幼從子遊年少俊邁致力詩古文詞
每斐然有述作之志詩氣體尤高闐然登古人之堂而

藏其

飲酒歌和照亭韻

人生忽忽若朝霧富貴功名何足數
 當前有酒不肯狂一滴空教灑邱墓
 金陵酒徒飲如灑十千買酒了不顧
 春花秋月總酩酊或向當爐臥不去
 翻身大笑出門行年老看花本如霧
 興來落筆生雲煙五湖三江吞復吐
 侯封萬里薄不爲麴生甯被儒冠誤
 君不見劉伶五斗始解醒荷鍤隨車誇
 道路又不見李白沈香供奉時脫鞵酌
 酒仍如故古來賢達盡貪春忍把光陰
 等閒度倘許逋逃入醉鄉移家我欲同
 君住

陳

球號蘊齋嘉興諸生

燈窗瑣語先生居郡中瓶山之側自號一簣山樵性豪邁
 耽酒工畫嘗寓西湖遇雨則著屐出游徘徊山麓間
 終日不去人笑其癡先生云此天然畫稿也免向故紙
 堆中覓生活耳詩亦淡逸如其畫著有燕山外史儷青

如白洋洋數

言洵傳作也

許仁杰曰阮文達視學時兼試繪事禾中錄取者六人山水則先生及周封呂鈴沈瀚花卉則錢善揚虞光祖也

階前紫竹爲好人所損越七年而復生詩以誌喜

賸粉零香尙復存可憐黃土困靈根七年空灑瀟湘淚不道

亭亭卻返魂

舊綠凋零新翠攢何緣又見碧琅玕生涯此後無他事揀取

修枝作釣竿

姚循陔

字補南號眷庭嘉興諸生著木石居詩草

于源曰眷庭館來青閣最久晚喪妻子形影相弔詩句如漸覺顏頰非故我若教削髮便成僧願我本無文可賣逢人祇有老堪誇皆淒涼不堪卒讀著有木石居詩草馮勺園外翰嘗采入清芬集中

蒙山道中

茅屋兀三兩居民晝閉關斷雲都作雨高樹半遮山秋意淡
如許征人倦未還冥鴻何自適羨爾一身閒

秋夜獨坐漫成

黃昏過盡漏聲微愛此清宵未掩扉有影不愁知己少無家
休說旅情非背人飢鼠窺燈出繞鬢秋蟲撲扇飛自是漢陰
心早息相看物我兩忘機

添上膏油傍短檠模糊老眼愛餘明不因病酒心先醉豈爲
耽吟夢未成虛室有時生暗響遠砧何處送殘聲座中歎息
誰知我絕似歐陽此夜情

馬應潮

字珊林嘉興諸生

許仁杰曰先生著有九經古義注見錢氏泰吉曝書雜記

古鏡

老此一團鐵冰霜歷劫全有時鸞對舞終古月同懸勲業成
今事衣冠憶昔賢玉臺塵不到留與照情田

祝萬壽

原名曠字嵩呼號樵雲

石澗山房詩話樵雲工詩善畫指墨山水花卉盈丈巨
幅頃刻立就精拳勇好舞雙劍性任達不羈家貧以技
游吳越間嘗客吾湖楊氏一夕乘醉出門至太平橋忽
失所在呼之則高踞石牌坊上及下足履地無聲又過
一富家方粉壁樵雲戲以煤帚汚其壁主出讓之復以
墨筆揮灑成一臥龍松墨藩下垂則更作倒枝主大駭
叩其姓氏笑而不答揚揚竟去副總某公善吟咏集知
名士於化成禪院樵雲在焉酒半掃壁作老梅一株權
奇屈曲觀者詫爲神技學使阮芸臺先生按試
禾郡樵雲應試古學賦銀河篇爲先生所激賞

登錢江望遠樓

放眼最高樓滄江隔座流魚龍時出沒星斗忽沈浮何日騎
孤鶴因風到十洲笑攜長笛去吹破海天秋

銀河篇

銀河耿耿浮涼天橫空素影長年年我欲成都尋賣卜乘槎
萬里隨張騫張騫一去幾千載回首銀河如昔在曾聞星海
西與天河通應是神功疏鑿驚真宰又聞靈淵有龍劍鋒鉞
烟爍如飛電涼宵握取對銀潢一色光華相隱見

朱仁榮

字頌安號桂軒秀水人著桂軒小稿

沈維鑄序略桂軒幼即通敏喜吟咏又嗜畫爲人侷黨有志略

題探梅圖

一兩尋春屐溪橋踏曉寒前林渺何處誤作白雲看

錢

字雪山嘉善人著雪山詩課

魏塘人物志雪山生五十日失母祖母撫之十歲祖母歿父錫陞哀毀嘔血雪山恐傷父心恆向壁飲泣不令父見八九歲時已能詩有神童之目

塞上曲

一聲歌勅勒千里度龍山劍氣侵邊月河流遶戍關沙寒征馬瘦血漬戰袍殷日暮西風急吹笳鬢欲斑

暮春書事

小院靜如許苔痕一徑通人歸花落後春盡客愁中鳥語深叢綠簾窺夕照紅高樓誰擲笛催月上牆東

王用誠

字元音號竹林海鹽諸生著西樓詩鈔

石瀨山房詩話竹林家貧篤學爲詩確有淵源嘗與朱桂巖梅彩兄弟及顧雲崖諸君訂僑札之好往來唱酬屢形篇什詩筆超潔蛻出風露

秦溪晚步

樹影遠霏霏支筇入翠微夕陽人獨立秋色雁孤飛離思隨風葉閒情俯釣磯南山何處是吟眺欲忘歸

晚過紫雲村訪顧山人雲厓

杖策閒來一訪君，竹籬茆舍半斜曛。
漁舟遠汎谿頭月，樵擔籠歸谷口雲。
無吏催租堪獨詠，得錢沽酒卽常醺。
空山儘有幽居興，戶外塵喧百不聞。

高廷瓌

字春蒸，平湖粟生。著小瓶齋詩鈔。

孫隱曰：先生爲江村後人家貧，耽書篤敬，阮相國創話經精舍于西湖，擇知名士肄業其中，先生與焉。

溪居卽目

蟬聲風斷續，高樹忽殘陽。
半畝芰荷瘦，一籬瓜蔓長。
林喧歸鳥夕，溪暝陣雲蒼。
會取米家法，揮毫點石牀。

伏日同人集紫華舫分韻得瀉字

山靜日初長，劇談快清暇。
言過孟城坳，徑窺明月榭。
庭樹碧陰森，日光透巖罅。
微聞陡壑風，謾謾松鍼卸。
主人啟清祕，詩卷燦盈架。
創獲紀遊編，碧巖抵嵩華。
短筇凌絕巘，歷歷副所

詫颯舉觴政姻歡洽論文罷綺席月華流清言荷露瀉聚散
境何常徘徊眷良夜便擬放瓜皮擊檝湖亭下

張文鼇

字冠菴號亦園平湖人著綠野草堂詩鈔

過西林寺

欲覓閒中趣因過開士家有僮初掃地留客爲烹茶石響落
松子天晴開菊花禪機參半偈靜坐拓窗紗

溫葵卿

字忠客烏程廩生著紅杏樓草

舊搦墨妙二大字嚴鎮橋得之長沙審爲東坡先生書
卽湖州墨妙亭額也今贈二卣主人將刻石作亭賦
此記之用東坡詩韻

金石豐積如邱陵寶氣繞室烟雲騰陳君求古具博識眼明
疾若霜天鷹鐵橋先生亦好古袖出二字摩有稜彷彿似讀

玉局記清氣不覺凝壺冰墨妙亭荒幾塵劫此撮疑有神鬼
憑寒梅老石俱陳迹環肥燕瘦徒愛憎片紙流傳幾閱主寶
之豈特字一緡陳登年少雅好事摹勒急欲貞珉登勝蹟好
留後人賞何況同時簪盍朋平生亦有愛古癖殘碑斷碣墓
溪藤螺書蠶尾細別擇紙窗夜半挑寒鐙好便築亭繼葦老
願君勿置拳拳磨

温蓉卿

字鏡生烏程廩生
著碧筠館詩草

五人墓

俠氣干人奮臂呼鋤姦敢自惜頭顱太阿假手輪貂豎公憤
摧心邁狗屠斷碣荒燐沈碧血夜臺頽日話黃墟專諸舊巷
要離冢一樣寒烟弔夜烏

蔡廷弼

字竹濤
德清人

山塘訪舊

孤鴈一聲響，騎人雙淚流。琴心空挂月，蟲語暗驚秋。逕自通蕭巷，湖應號莫愁。一天風露冷，好夢到蘇州。

施全

字永修，號松垞，題時子孝豐諸生。

湖州詩錄三編松垞家學相承，其篋蠶詞爲學使汪瑟庵先生所賞，刻入浙江詩鈔。孫德祖曰：松垞族鸞詞，結語有曰：十日餘皇絲客到，划船出關關吏笑亦婉而多風。

擬坡翁遠城觀荷花登峴山亭入飛英寺與諸弟分韻

得月字

曉色開澄鮮，湖光澹如月。清備鬢雲根，涼颯削林樾。背郭卅里程，雉堞紛拄笏。秋氛薄於煙，滷渠蕩澤渤。沈沈雲水開，衣袂香可啜。一櫂寒波來，宿霧衝之沒。

王

浩

字養齋，孝豐人，著南白堂詩集八卷。

兩浙輶軒續錄

卷二十四

施全 王浩

五

米糶花

叢生籬落雪離離乍見渾如聚米爲慣向輕風舒小朵每於
寒食見新枝春山到處春雲確古諺空思射的詞拗得好花
動盈把難教臣朔飽晨炊

借陳白雲屠琴鵬施辛蘿校刊故友吳蘅皋讀書樓遺

集工竣因題其後

大有當今韓吏部

謂阮芸臺中丞

定香亭畔苦論詩也教鐵網珊瑚

外惆悵人間杜牧之

人耕行

黃梅雨落筍成竹禽語聲聲鳴播穀秧青鷺白溝塍連叔均
作犂糶牛服年來災沴牛固空賣田買牛牛不逢啗肉已聞
杜甫死叩角空歌甯戚風村村搗鼓逐牛疫日夜埋牛老農

哭持刀斫田入不深農人權且代黃犢昔聞方翼督夏州無
牛營活懷百憂人耕造法施關鍵生民因之大有秋又聞允
成獻醇宋踏犁一具牛不用運以人力古所稀疾若秧馬自
超縱於今此法無繼者四人挽索一人把頭搶地兮背負天
白汗浪浪如雨洒此中辛苦誰得知農悔爲農不如馬可憐
耕種乖舊俗氣候已是傷局促矧復秋夏暘雨愆半雜稗莠
收秕粟計畝不過五斗餘輸入官倉苦不足里胥日夜持符
來勉致雞豚未飽欲強索三百青銅錢不爾長繩繫之獄傷
心老農面如鵠飢迫煎熬甚火熖代牛耕時怕作牛轉幸牛
無官穀愁

李忠鯁

字懋仙鄞人著
八磚吟館詩存

雨夜有懷

三徑雲俱黑高齋燈自青江湖牽遠夢風雨到空庭如此淒
清夜何堪闕別經孤眠不成寐望斷子雲亭

秋草

幾日蘼蕪徑盡荒蕭條畫出野人莊綠波空想江南影青冢
先迎塞上涼千里相思愁細雨六朝遺恨付斜陽籬邊水曲
都如此何況西風木葉狂

陳一章

字繪山號葵畦慈谿崑崙貢官
嘉興訓導著居後軒詩稿

谿上詩輯繪山詩
有清氣自然灑脫

題姚雪堃小影

岷峨論萬里邱壑一卷足誰與妙筆倩龍眠位置鬚眉蘇玉
局當時玉局風塵裏朝住黃州暮儋耳天涯遷客思故鄉瑞
草橋邊剝瓜子何似先生圖畫中一琴一鶴凌秋風園林坐

嘯倦遊後滿眼青青夢墨峰

馮

增

字映川號齋庵慈谿諸生著煮夢軒詩鈔

谿上詩輯蓋庵治古文辭尤工詩鍊格鍊詞清深雋承貌甚癡性孤峭生平不自炫耀故人亦無知之者

釣臺

光武方龍戰先生獨退耕自無經世意豈有市高情磐石偶垂釣層臺空復名誰知謝皋羽曾此淚縱橫

葉世雄

字士邁號仰峯鎮海貢生

初秋

涼風吹幾度梧葉落寒塘玉漏宵浮箭金鑪晝篆香月明憐蟋蟀露重溼鴛鴦冷到漁陽否征衣欲寄悵

樓頭夜坐

畫角吹殘夜景幽江邊烟樹盡含秋幾家燈火林間出數拍

魚歌水面浮紫氣半銷雷煥劍離思閒寄仲宣樓伊人遠在

蒹葭外一片迷茫何處洲

杜丙杰

字吉甫號菊生山陰稟貢
侯選訓導著荆花軒詩鈔

陶濟宣曰君爲尺莊徵君之弟嗜學早破著有會稽掇
英集拾遺二十卷劄記一卷知聖教齋書目提要八卷
兵燹後并詩
稿均散佚

周竹生丈移竹做齋余作詩媵之辱賜次和復委題竹

生吟館圖

倚君以錦衣之玉樹佩君以旌節之瓊蕤亦復何預性情事
不如竹枝作帚青垂垂掃盡眼底浮雲馳浮雲馳以南班衣
招手吟情酣浮雲馳以北尾翹紅鵲吟肩側君不見松似孔
北海杉似謝東山此竹蕭森誰得似天遣青衫落拓嘯呼乎
其間貂蟬兜鍪兩不著長蛟猛虎何足縛此中空洞誰能度

此君相交同落落紫芝療飢殊不惡赤米白鹽甘淡泊一日
不齋便滿酌三日不醒醒有作詞返清真詩太樸濂溪風月
長如昨春風天上來只識星榆與星柳月輪碾廣寒但見丹
桂吳剛守豈如竹裏天光涼十二時中吟聲長我不善吟或
善睡移牀與君夢瀟湘只愁把臂入林被竹笑芳洲杜若亦
小草

吳

柴

字雲留一字雲江山陰人
候選同知著留園詩鈔

張變承序畧雲留卓爾不羣軼於埃壙伊鬱善感出於
性生其詩清麗雅澗招振切情洵足於龍山詩集更增

一
穢

山中獨坐

日夕嵐氣陰蒼翠紛在戶獨客澹無言松風成晤語山鳥時
一鳴溪花落如雨寂坐悟無生雖病亦何苦

柯亭椽竹歌

王母馭空翻寶纛翠鬢十二迎仙幄陸海蒼龍蟠紫虹蓬萊
彩鳳鳴寒玉孤亭斜枕曉山青疎簾半捲澄江淥風霜纔駐
柯水邊獨坐挑燈盼椽竹磨刀斷玉七星列美人寂寞離愁
結湘娥嗁煙江月秋青鸞嘯雨山石裂稽山碧玉空修修雲
夢嶼谷煙雨愁一朝旋轍江南道白髮中郎從此老文章何
處弔斜陽千年遺迹空秋草吁嗟乎中原擾擾爭逐鹿曠世
逸才償一哭誰吹短笛倚高樓煙水茫茫無恙綠

擬古

明星何燦燦輝光互相錯冰蟾皓瑤林銀燈圍繡幕異地雖
云美何如故鄉樂虎豹路嶮巖風雪夜蕭索不作遠行人焉
知別離惡

明月出東林清輝皓終古徘徊如有情
夜夜入牕戶對此懷
遠人恨無晨風羽黃蝶飛西園碧草
暗南浦不有別離時安
知相思苦

秋夜思

老蟾泣露涼雲洗滿庭花影落窗紙
香重疎簾卷不鉤十二
迴闌空自倚楊柳陰疎蕩夕波芙蓉
香冷紅秋水相思一夜
同明月遙望美人隔千里隔千里兮
無知音美人不見愁人
心湘竹斑斑湘水深銅龍漏滴花沈
沈高樓一曲愁中聽梅
花片片飛玉琴

雨後過九峯寺留贈妙音上人

雨歇青天高湖曲山如洗禪房花氣
清煙蘿溼芭屨師本清
閒人予亦寂寥士記當去年秋同宿
此山寺倚杖聽松風談

笑情無已山川一以別雲海渺千里子宿華山雲我釣鏡湖
水今日忽相逢此心胡弗喜漚生大海中雲點太清裏人生
如空花倏滅亦倏起他年婚嫁事願了向平子從師五岳遊
此約自今始

文信國公遺硯歌

媯皇挾石昆侖回鍊成五色天門開斗牛維絕落人世瑋寶
不肯淪塵埃青原寺裏瀟瀟雨磨殘熱血臣心苦降將紛紜
蒲壽庚故交慟哭王炎午趙家祇此一塊肉天水已無乾淨
土授命還吟正氣歌濡毫先繕勤王疏記得當年玉帶生軍
敗早歸謝皋羽謝公卜卦橋亭硯至今流落更何許中原半
壁勢已摧竹如意碎朱鳥臺寰中浩劫紅羊換江上先謠白
雁來文山摧疊山頽應與號鐘之琴潛蒿萊五百年後識者

少新城耆舊漁陽老

硯傍刻有王阮亭尚書贊語

辛丑之歲秋七月我初

得之山陰道古色摩挲光陸離攜歸再拜同奇寶七綱花石散雲烟宣和艮岳空衰草江山如此破不收忠臣手澤完能保要識精誠貫此中碧血丹心同不槁我欲洗以萬里亭邊之止水薰以柁樓露祝之清香想見昔銘衣帶贊英氣磅礴凌九蒼成仁取義足無愧目光炯炯青眉長老成已謝留片石令人愛物思其德撫摩尙恐精靈愁位置明窗那敢褻嗚呼此硯足千古敢使尋常文玩伍周鼎商盤亦等閒銅雀未央何足數綠洮河在小倉山

綠洮河硯亦信國所遺近歲隨園

雲山萬里同

呵護安得千秋筆一枝登樓快作凌雲賦

平

疇

字種瑤山陰人江西候補縣丞著耕煙草堂詩鈔

平翰序畧弟獻年喜吟詠隨侍入楚師吳江顧劍峯先生同門爲陳芝楣陳秋勛章瑄蘇璧田四君日夕酬唱

未幾秋舫芝榻先登第章氏伯仲亦踵舉南宮種
瑤獨牢落不偶去習法家言容錢裴山中丞陳望坡李
鹿萃兩制使幕府後爲江西縣丞從吳蘭雪刺史游以
近體入手於詩境一變間寫山水宗法三王筆意蕭遠
如其

詩如
平步青蹤略族祖種瑞公哂煙草堂詩鈔二卷公伯允
樾峯觀察曾開雕晉陵郡齋庚申寇亂槧版公失公駟
子更生藏弄原稿間關轉徙寄步青京師今來江右爰
命工重寫刻之公先以詩受知曾南城而所作於吳東
鄉爲近步青昔侍公譚藝輒標舉香蘇山館集爲職志
且曰師詩少作沈麗晚境清蒼今循誦公集亦復無以
之易

墨林今話耕煙未冠卽爲人記室鉅公皆羅致之酷嗜
詩畫在楚與黃君穀原善深明六法祕要落筆輒與古
會詩氣清骨健古近體皆妙佳句如秋夜西湖云青山
影裏花圖屋黃葉聲中酒漉巾越王臺云越國山川嘗
瞻霸吳宮花月捧心涼贈穀原文云夢中
白鳳騎三鳥腕底青山徧九州皆可誦

清娛閣

開門湖一曲湖上是亭山涼翠霑詩鬢秋林映酒顏狎鷗心

浩蕩聽鴈意蕭閒坐憶劍南老清風如可攀

月夜游小雲棲

夜色清如水詩情澹入禪樹空山轉月波淨擢飛煙古佛偃
塵榻生柴煮石泉年華未枯寂冬翠積諸天

小河道中

翦刀風裏柳絲輕燕子南來我北征春水半篙魚艇活夕陽
一角寺樓晴荒村近市聞絃管驛路題詩隱姓名偏是勞人
有清福好雲山趁馬蹄行

題黃穀原采藥圖

君畫黃子久君詩孟浩然作吏如梅福有眷似采鸞仙才仙
福食仙祿欲將火裏栽青蓮我曾夢君采仙藥招手同上三
神山青鸞背滑騎不得相扶賴有洪崖肩奇文異書卒難讀

仙之所祕不可宣歸來硯側排三島筆縱天吳吐百川

登朗岱東山和伯兄用東坡定慧院韻

山重路複深復深溼翠濛濛晝同夜闢疆拓地始百年神功
乃從鬼方下黑雲不動白雲飛雲飛直與泉爭瀉雲忽扶樹
出平岡離天尺五一峰亞森森骨立五掌中一枝筆向斗垣
借筆已詰屈強如韓山亦崔嵬冒姓謝不聞絲竹有清音入
林大可謀僧舍少年干雲志不堅老境那能甜於蔗坎壈境
兼崎嶇山履險如夷亦可怕但期誅茅心太平狂吟不畏山
膏罵

京口

溽聲澎湃雨滂沱高挂蒲帆駛入河驛馬嘶殘官歲月江豚
吹老客風波山包郡縣千層繭浪浴金焦兩點螺爲問蘆邊

謀食鴈秋來何處稻梁多

蔡名衡

字陸上號詩船蕭山詠

姚燮序畧詩船先生之詩無浮豔無聞聲擬諸雲容容

齋裔舒卷自如鳥影山光寫其閒致擬諸水渟然而止

冷然而流碧藻

紅魚清澈可數

陶澹宣曰君家永興習聞鄉先生毛西河陳苑青王浚

雲何石氣諸家并其遠祖謙齋先生之緒以習爲詩又

與鷗社諸君相酬唱故詩學益進然與諸先生各不相

襲一種清轉雅靜之氣溢乎行閒嘗自題其集曰窗前

落葉時時掃都是中郎本色詩深

造自得之境可以想其旨趣矣

秋日卽事

獨步荒園裏無人晝掩關秋風欺老樹落葉亂空山唱和追
逋急句稽對客閒寄身無箇事展卷一開顏

輓壯烈伯李忠毅公

虎頭燕頰古英雄廿載勳華海國同入蔡幾經褫賊魄掃鯨

有略樹軍功

公著有水戰紀畧一卷其婿陳司馬江洲擬刊以行世

渾身是膽聯鯨後

指日盟心健戰中保障狂瀾公第一長城久倚壯南東

方期搗穴奏膚功何遽星芒隕碧空生氣昂藏猶執盾惡氛

盪決倏韜弓樓船夜黯丁洋月蓬島春寒甲帳風留得聲名

傳萬古

公嘗禱於漢壽亭侯廟得籤有留得聲名萬古同句

分茅榮被

聖恩隆

蓬萊閣訪石經殘字不得

石經始東漢模刻蠹穹碑大文懸天壤鬱爲萬世規苞符啟
大易風雅留聲詩尙書孔壁出禮經高堂治春秋理教化論
孟扶倫彝法物欽至寶文宣是吾師此石列凡七泊乎高宗
時大書且深刻大學隆鴻基洪氏文惠公宣撫浙東司弄藏
翠墨古光怪兼陸離峩峩蓬萊閣市石勅般倅鑱刻彌闕陷

把麻拾其遺縣如珠錯落交以屋屨屨厥後滄桑變故址蕤
荒陲一鱗與半爪化作神龍馳嗜古抱壯志獨立徒鳴咿歸
讀學古編云己罕覲茲翻本多漈滅眞贗分塗歧僅距百餘
載難得誰爲知當厠好古輩擇擅窮切劇兩家黃與錢摩挲
重蒐奇眞本雖已失故吾仍在斯擬訪尊經閣文獻庶徵之

股堰廟紀事

并序

元至正間有里正楊伯遠分直西堰其下潭深莫測
水怪所聚旋築旋圯時官吏分段勘塘伯遠被箠楚
不可活妻王氏哀之禱於江澣以身殉先夕割臂投
潭中越夕沙漲堰成邑人名之曰股堰其事具詳朱

文正碑文

赭龕壁立東江澣滾滾潮聲飛萬弩江流到岸不肯平大力

盤旋互吞吐聞之元代當至正天吳肆虐水靈怒日日椎岸
圯完堤誰爲疏鬢勇可買中有里正楊伯遠分直西堰嗟咷
窟深潭昏黑乖龍潛洪波橫決老蛟舞官言卽日將勘塘催
比之言猛於虎煢煢楊家妻哀哀王氏女所天身已凸妾身
當報主不願相離同日生但願相逢同穴死石頭霍霍磨刀
聲申臂一割淚如雨此身莫贖矢靡他仰天大哭夷左股一
腔熱血灑江干點點滴滴化爲土腥風颯颯雲冥冥屹若長
城鞏水府君不見滄海干尋精衛填鍊石五色媯皇補何如
功德在民生從此安瀾護縣宇靈之來兮歌樂府天后夫人
媿千古

築塘用柏梁體押三江全韻同人分賦

素車白馬蔽大江犇騰氣勢何豐麗山排石裂雷砰辭倒飛

不辨龍與驤，銀山萬疊建高龐。喧聲潑潑洪水澤，誰其挽弩
如甘逢心搖搖兮，神爲懽塘身蕩嚙。互擊撞沿隄浮動驚蟻
蟻空中，金鐵相掙搥壓以巨石，增崆峒孤撐峙立千鈞扛花
矴沒土，輔松椿健若都盧緣絙，柱竹節纍纍隻復雙。萬夫並
足立，踈儼同野老事耕耜，爾菑爾禦大力降，增培搶修等
平矴盤渦回湫聲，縱縱開闢海門斷，雙控中流鎮之以鐵幢。
村郊夜靜無吠，龍襲襲更鼓閒鳴，柳賊盜斂迹，足音登里閭。
交慶息紛囂，田廬保障惠南邦，江邊尸祝神女媼，土精獻瑞
益壽邛製成水調歌，新腔輝煌銀蠟燒，銅缸起具羅列安杯
缸香醪乍出，笙與篋肴，款佐之以蘭茝紅，白相閒陳，踈躑沿
門倚市，眾所矐閭爭傳感駭，意以誠相格，惟控控同心協
力無黷黷，豁開天日消昏賤，回視北極垂天杠，南來西去乘

飛鸞風恬浪靜開篷窗百川東注息怒瀧匹如漱玉鳴琤璫

一路謳歌諧柷枳

此韻從韻府拾遺增入

明朱文懿

廣兩世經并序

陶鳧亭

元藻

全浙詩話云文懿別墅在塔山下曰小

瑯琊有山西老僧寫金剛經一部未竟而病謂侍者曰此經今世不能完俟下世汝持來我當續成之侍者曰吾師來世託生何處曰汝只問小瑯琊便我也侍者攜經徧游各省不得所謂小瑯琊者數年將死屬其徒復負經尋覓至吾紹忽見山嶽石刻小瑯琊三字心動因詢里人始知爲朱公別墅求謁焉公展卷笑曰是吾所書也自當了此一段公案留僧於聖數日寫畢命持去僧曰相公卽吾師祖此經存相

公處猶存吾寺也遂別子孫藏爲世寶俗稱爲兩世
經余友王大山五十年前猶見之

塔山別墅相公家慧業由來轉法華身見宰官心是佛五臺

山卽小瑯琊

五臺山
在山西

公隔人天數百年未知成佛又成仙儻教再得前身見一體

同觀結妙緣

一體同觀分第十
八見金剛經目

題柳如是鏡

并引

按鏡背有銘云照日菱花出臨池滿月生官看巾帽
整妾映點妝成二十字作回環文考查慎行金陵雜
詠有云宗伯匱清世不知菱花初照月臨池點妝巾
帽俱新樣不用喧傳鏡背詩與此鏡銘相合昔爲甬
東鄭氏三雲

辰

所藏題詠成帙今爲葉氏夢漁

元封

得之屬莫君遠湖郵寄彙本繼聲於後漫成四絕

柳絲拂拂縮春愁鏡裏紅顏換白頭金粉六朝都洗淨圓光猶見絳雲樓

河東名已豔當時傳刻東山倡和詩可惜官兒巾帽相點妝畢竟讓蛾眉

簪花妙格具天然閒寫宮詞不記年如是楷書王建宮詞九絕爲馮柳東學博所藏

今刻入玉臺名翰半夜堂前秋水影如是有秋水閣硯問他明月幾回圓

色色空空如是夫神光離合幻須與柳枝已折菱花老休說逃禪事有無

任國任字聽樵蕭山人官福建鹽大使著冷齒集二卷

吳方培序略余於都門因從子立齋始識德樵襟懷清曠吐屬溫雅然深自緘晦不以詩炫未幾南旋賦詩留別立齋余始知其能詩索窺全彙則豪宕可歌徘徊可泣刻畫清肥不落窠臼

移寓法源寺

綠陰深處繞煙蘿
寂淨無塵坐釋迦
聊借一枝容嘯傲
何妨七字漫吟哦
春殘裘典琴猶在
客久囊空書卻多
茶竈筆牀安置了
自題小額伴僧窩

雨後謁梅塢先塋

罔極恩原似昊天
涓埃莫報意淒然
山容雨後青於洗
樹蔭晴初綠更鮮
嘗麥難忘澆一飯
種瓜何處訪三仙
夕陽西度歸舟急
怕聽聲聲泣杜鵑

沈

豫字補堂蕭山人
著蛾術堂集

陶潛宣曰君長于經術兼擅詞章久客江淮撰著甚富

皇清經解淵源錄一卷

皇清經解提要二卷羣書提要一卷讀易寡過一卷周官識

小一卷左官異禮略一卷羣書雜義一卷袁浦札記一

卷讀史雜記一卷秋陰雜記一卷仿今言一卷茨村文

鈔二卷笑村學吟一卷凡一
十四種總名曰蛾術堂集

送施文璞園歸越

作客怕逢別君還我未還潮聲通野寺帆影度春山詩品六
朝上清談兩晉閒行行且莫滯竹筍壓彎彎

讀樊榭山房集

太鴻厲老民自序弁首卷珍疑並古人正續二十絹發揮已
性情不借他人傳集無別序丁鴻經術深袁豹誦讀徧庫笥貯谷

那新奇誇劉炫譚及兩宋文纍纍珠貫串以之播詠歌自足
資染絢譬猶天九重星辰麗曼衍亦如地九河激盪恣漩洑
乃知五色絲要貴萬卷綫爲何嚴滄浪創言矜白戰入市無
杖頭百物不能選三百詩椎輪草木蟲魚遺嗣響屈子騷詭
譎精研練漢魏遞六朝綺靡繡縵爛三唐兩宋閒設色取材

揀徵君祕鑰窺下筆走雷電豔或擬雲霞珍克媿磬甌塗山
玉萬重王會羽千片品格儕鼎椀昌黎魯直殿餘綺散詩餘
亦步屯田彥冷語諷商人董生何譏譏展閱三四回恨未逢
覲面

沈東周

字東洲
蕭山人

詠月餅

食品中秋備家家勝事傳餅師初試巧月影想同圓薄夜呼
應出牢丸辨不愆脂調如對鏡肪截擬張絃輭疊冰紋密濃
霑露汁鮮素輝勞手掬白練羨姿妍美滿光原愛團圓體亦
全酥偏凝滑膩色定澈中邊汁挹銀河水漿添斗柄臚藥宜
香共擣桂或葉長懸瓊屑霏無見金波泛亦仙粉堆驚雪映
液澤隱雲連闕等期三五珍須價十千餌芳融粗粒魄潔濯

漪漣潤豈風脂散包應霧縠牽問名猶憶艾肖樣每稱蓮芬
向晶盤溢材須玉斧鑄刀裁疑蝕日珠朗早消燂飽可借清
酒歡教醉綺筵紅綾新有宴喜集大羅天

呂

鏞一名夢陽字開夫號曉樓羅

縣志鏞早知名學使儀徵阮元試紹屬古學得鏞卷大

命撫

浙召鏞辭不赴鏞博通經籍尤精於易工詩古文詞歿

後遺稿多佚僅存數種曰香稻山莊贖詩叶南偶鈔摘

瑣訂語

樓上層曰曉樓負雋上才能別古書真贋

賦筆古雅絕倫詩亦醞釀遙深纖穠合度

呂岳孫曰先大父遠於經術該通世務作爲文章穆然

清遠辛酉之劫稿多散失阮窮遺佚固不獨生前也

三懸潭

天姥山高與天齊粵惟羣仙之所棲駿馬騰驤幾平千里一
支分出剡之西就中湧起雙巖岫屹如青螺覆如鯨天邊夾

瀉瀑布飛晴雷夏雪彌昏晝下有龍湫深淵淵雨唯壁合三
珠聯淨無沙石不見底迴風旋浪生紫煙訝是波智國中三
池耳何日移來今在此上池龍王中龍婦下池盤攫戲龍子
長歌告龍對清泉勿用駕雲飛上天方今五風十雨邀天眷
正好抱珠湫底眠

太白山訪趙廣信煉丹遺蹟

太白之山萬丈高蜿蜒磅礴雲濤白鹿馴遊元鶴舞層巖
紫芝溪蟠桃十二瓊樓金銀闕仙樂時聞奏龍璈我愛道士
褚伯玉小廬當峯棲蓬蒿亦愛山人趙廣信九轉紅爐煉玉
膏刀圭三七丹成紫乞得長生歸仙曹謁來山上一相訪鳥
鳴吐綬聲啁啾嶠嶠峒洞無厓山前山後風蕭騷如何越
盡千峯頂不見野叟生綠毛道場荒蕪丹井冷行雲流水俱

滔滔

冬日移館曠怡樓

移館層樓上悠然遠俗喧窗高臨小苑葉落見前村富歲家
俱足多文道自尊不嫌人問字斜日豁重門

西湖晚歸

雨灑湖山淨歸船趁晚涼溼凝菱葉細紅動藕花香水影平
橋薄歌聲夾路長回頭看白石半塔有斜陽

古柏

不識何年種森森欲倚天虬枝雖屈曲黛色卻新鮮鳥鼠棲
常穩藤蘿結有緣乾坤容汝老得氣本來全

桑

春日郊原草木香田家繞屋只栽桑葦柔不數纖纖手條軟

還依短短牆疏雨淡煙鳩拂羽和風遲日女提筐弗辭翦伐
儂心苦衣著功成與世忘

金鷹揚

字君選黃巖歲貢

縣志鷹揚天資英敏過目成誦事母愛敬備

至劉學使鳳詒延課子弟目爲浙東名士

王維翰曰先生于天文律呂圖書算學無不精究著有參易發凡廣五經算術作室解南華意解悟真新解

登華頂

崑崙之脈來從天蜿蜒趨補東南偏靈氣團結聳奇柱台嶽
上與星辰連高盤一萬八千丈遙瞻華蓋層雲巔眾山列翠
爭環繞中央突兀如青蓮直上振衣踞絕頂乘雲御氣無塵
緣舉頭四顧心目眩不知身在丹霄邊東望滄溟杳無極鯨
波浴日光華鮮南瞻括蒼西婺嶺奇秀一一羅目前北眺錢
塘更雄壯氣象何止收萬千此時眼界頓空闊離奇恍惚心

悠然飄飄違世懷，獨立何殊羽駕隨。風旋探竒躡險力，怠倦平生自笑幾。屐穿應真隱，顯混樵牧我欲尋之成。飛仙苾靸竹杖從此始，攬遍千巖萬壑之風煙。

應

崑字啟彬黃巖廩生著啖蔗集

縣志崑作詩凡四百餘首臨海宋世榮稱其奇恣自喜擺脫塵俗天籟琅琅動與古會

惡溪行

出峽復入峽，前溪續後溪。兩崖夾鬪不肯下水，勢欲挾山根。飛中流，倏忽鎗鐘鼓。天吳鼉虬老蛟舞，黃沙漠漠走千騎。朔風蕭蕭鳴萬弩，猛獸奇鬼森搏人。鱗甲差峩戰風雨，篙師作勢鷹隼疾。左枝右撐愁蕩汨，筏向三稜石罅穿。人從百尺竿頭立，五里十里勢漸平。耳畔風聲尙震懾，懸知性命輕鴻毛。豈任肌膚飽魚鼈，瞿塘聞說十二灘。猿鶴掉臂愁狂瀾，船人

莫歌竹枝曲台山咫尺行路難

曉發清溪

初日上林垌煙光入畫屏江涵羣水白天壓一峯青地險遺
疏鑿神功接杳冥不須問湘瑟幽韻此中聽

金萼梅

字占魁號月林金華
諸生著月林吟稿

舊雨錄月林少負才名未爲時輩所許一日王鹿山招
飲酒酣耳熱坐客索詩將窘其才月林卽席賦贈長律
二十四韻清辭
振瓊服皆歎服

懷張丹邨

衾寒不成寐披衣踏秋露殘星欲墮地明月挂遠樹雞聲村
外來沈沈天未曙忽憶舊遊人徘徊不能去

哀老人

昔在庚子歲有客無完服沿門乞錢米衰老愁可掬自言黃

山人門對黃山麓家有十畝田田在盤腸谷田畔植桑麻田中藝五穀賦稅先期納妻子足饘鬻不意七月閒雷震潛蛟伏洪流盪山巔黑夜淹村屋器用盡漂沒牆壁皆傾覆攜家竄高阜飢腸鳴軋軋日午水漸退歸心飛鳥速入門已無家相看淚簌簌回視田中禾山川易陵陸不見向時田沙石高蠹蝨其時妻已病倒地魂難復肝腸寸碎裂無淚那能哭里正縣中來催租檢積牘哀訴了不聽怒目索酒肉且言六月閒文書報成熟文書達上官誰敢煩言瀆因之遭逮繫飲泣受鞭打破屋無人售兒長已能牧傭錢脫父囚去爲富家僕官租旣交割形影塊然獨揮涕別鄉鄰出門求果腹死生旦夕間已拌烏鳶啄身死不足惜枷杻累親族產盡官租在疇能逃訊鞫當時我尙幼聞之已頻顛事隔十餘年形聲猶在

目今年復大水感此心頓觸吮毫爲此詞淚痕滿方幅

方

炎字南墅壽昌歲貢官湯溪訓導

題蔣景儀秋山小隱圖

隱趣不自覺閒情只看山水雲正無際紅葉落前灣

三徑薜蘿香佳人潔如玉惆悵山中情秋蔬畫寒綠

金

璋字左莪永嘉諸生著翠微山房詩藁八卷紅花詞一卷

錢編元序畧余往客東廡卽耳左莪名所著紅花詞名最燥性穎悟讀書日數行下幼隨任孫州矢志下帷寒暑罔間後乃絕意進取遊名山大川東至泰岱南登雁宕俱極天下之奇境所至輒發諸詩今讀其詩抒寫性情指陳名教時衡往事獨樹偉詞不僅以紅花名也

黃金臺

千古昭王蹟巍然易水隈金多能致士事急始求才寶氣明

殘照雄圖歷劫灰惜哉登俊地遺築近仙臺

易州有燕昭仙臺

山海關

關河四塞限長驅魏國當年攬壯圖地截秦城山右轉天浮
碣石海東趨堞樓曉月人吹角輪馬秋風吏合符

內地人出關例給引

票不用丸泥封絕險北來門戶壯
留都

游甘露寺

雲磴盤紆上名藍倚碧霄江山雄北固松檜自南朝塔度天
風迴樓迎海月遙歸聞鐘梵發心迹謝塵囂

項維仁

字勉軒號果園示嘉人著果園詩鈔

快軒詩則果園善畫山水得之天性壯歲出遊足迹遍大江南北厥藝益進詩多題畫之作天才特妙東坡所謂出語如松風者也

相思

淡淡相思淡淡愁梨花斜日小紅樓待歸雙燕簾教捲罷理
孤琴几未收茗椀不承金掌露榜歌誰上木蘭舟昨宵夢裏
經南浦春水淪漣月一鉤

題瀟湘聽雨圖

綠雲如幕柳如絲正是滄江欲暮時孤棹今宵何處宿鷓鴣
嘯斷水神祠

朱

鋒

字煉之號羅門永嘉人

東甌軼事隨筆鋒初名聯芝邑中高尚士貧能樂道嘗
夫婦提甕出汲有古梁孟風邑令鄭星舟明府祝煉之
五十初度詩曰茂陵五十載四壁耐清寥安命婦眞淑
知貧兒不驕小冠杜子夏長劍蓋寬饒束帛有時至稱
曠且共邀

果園弔項處士

代謝悟塵事人亾物尙存凋殘看碩果惆悵此荒園樹老可

爲屋竹疏難掩門風流天所靳幾許到兒孫

柳翔鳳

字儀廷雲和嶽貢
著心筆軒詩稿

縣志翔鳳少孤博通經
史學使劉鳳詰極賞之

牛頭山古松歌

牛頭山頂松長不滿三尺松肪入雲根千年成琥珀自有此
山生此松松根穿石石爲折主人好奇思拏雲購得石工鑿
山脈連根帶石擔松回鱗甲剝龍賞高格蒔諸古盎羅前庭
月挂東溪無此青萬仞峯頭落平地松鍼短勁風颺馨一盎
古松價無匹主人乃得郭駝種樹經蟠屈蚪枝有老匠連蜷
雲蓋無枯形我聞峩嶠頂上萬年幹夜壇香氣接雲漢又聞
天都峯頭四面松縱橫正側枝盤空卽今箬溪牛頭山八面
望見枯州之十縣惟高斯寒松骨堅是松是石種來已在造

化先浮邱容成相往還主人愛松迎松仙松如童子俯我前
我日閉戶著書燒松煙縮龍成寸遊硯田松風颯颯吹落珍
珠船

金鐘山下巖陰少憩

山形似懸鐘巖罅蝕苔紫山花飛碎紅點綴襯芒履萬籟不
聞聲石瀉涓涓水

兩浙輶軒續錄卷二十四